

敬業堂詩集

冊
十

1

2

3

4

5

6

7

敬業堂詩集卷四十八目錄

粵游集下

羊城元日試筆戲呈中丞公

二日中丞招遊署後園池分賦六首

過前輩梁藥亭故居

立春日張梅麓前輩招飲雲麓堂

喜晤藍公漪

人日雨中遲公漪不至

謁南海神廟附修中丞和詩一首

海雲寺四首

與姚明府齊州二首

花田詠古

珠江權歌詞四首

大行寺與皇太后輓歌二章

呈前輩鄭珠江先生

偕梁孝穉遊法性寺有懷心月上人

兼示希聲學子四首

長壽菴坐湛菴禪師方丈聽談石公

舊事

齊州於縣治之左新闢園池名梅花

村暇日與客同遊索賦

上官竹莊為余寫青山歸權圖公漪

有詩戲次其韻

為友人題暮雲春樹圖二絕句

修醒園以騎驢出嶺圖小照索題戲作六言律詩一首

題翁蘿軒為藍公漪所畫枯樹小幅

有以白菜餉中丞者中丞有詩屬和韻

王符躬舍人席上贈許蒼嵐

清涼山莊圖符躬屬題

正月晦日喜雨用中丞見示原韻即以志別

題上官竹莊羅浮山圖

光孝寺與咲成上人詩二章

次韻中丞公夢羅浮作

將發珠江遇李約山觀察自粵西來

訂同歸之約

海幢寺十二韻

二月八日初離廣州

舟過三水邑宰徐君來晤口占贈之

羚羊峽

朱觀察紫垣席上賦贈二首

戲柬高要令王寅采同年公

登端州城東閱江樓

望七星巖

題寅采同年小照

題李峻瞻移情圖

覆石

有序

望夫山歌

封州

梧州

雨中飲梧州郡守范拙存署齋

與郡丞趙默菴話舊有感

逆風上灘歌

雨中過昭平縣與馬莘叟

龍門峽

修中丞貽我羅浮蜨繭數十枚三日而雙蜨先出置之籠中朝來風日晴

暖栩栩欲飛因開籠放之

楊誠齋詩有韶州山又勝雄州之句

余過英德為進一解曰英州山又勝韶州今日行至平樂城南羣峯競

秀爭奇目不暇給英山又不足言矣問之士人無能舉其名者然不可

無詩紀之也

晚泊劉公渡望對岸諸峯

陽朔縣

春燒

桂江舟行口號十首

飲同年叢汝霖桂林學署兼志別

上巳前一日發桂林

靈川縣齋清明

平蠻歌為靈川令樓敬思作

樓敬思朱襲遠追送于大瀝江賦三

言古詩為別

靈渠行

夜泊鑿觜伏波祠下湘灘二水分流處

興安田家

夕抵全州城外

零陵道中

題浯溪寺中興頌磨崖碑後

三月十五夜湘中見月

過郴江口有感于杜工部事

望衡嶽

涑口沽酒

醴陵縣

前過常山玉山今過醴陵萍鄉四縣

令同以一事去官偶紀之

自湘東驛遵陸至蘆溪

復入舟

盧肇宅在宜春城外今為學宮石筍

一株猶存相傳唐時故物也

分宜感事

清江道中

重泊鉛山河口却寄施渚如

朱甥德璵出家為僧法名某號渭宗今住沙溪靜室舟經其處留詩一首

自題粵游草後二首

敬業堂詩集卷四十八目錄

羊城元日新歲感事

元日新歲感事
方外好景難言清
正月陽春
日出長角且斗
又指
官清民樂
便思
作
人

二月十日遊湖看沙洲分賦六首

二月十日遊湖看沙洲分賦六首
沙洲
分賦
六首

三月十日遊湖看沙洲分賦六首

三月十日遊湖看沙洲分賦六首

三月十日遊湖看沙洲分賦六首

...

...

...

...

...

...

...

...

...

雜書卷四十八目錄

...

...

敬業堂詩集卷四十八

海寧 查慎行 悔餘

粵游集下

起戊戌正月盡四月

羊城元日試筆戲呈中丞公

風光六十九回新老客殊方愧此身殘臘雪消正月暖閏年曆報兩頭春滄溟
出日長先日斗極移杓又指寅聽說官清民樂業便思長作嶺南人

二日中丞招遊署後園池分賦六首

昨枉嚴公駕今逢袁紹杯到來凡五日相見已三回禮豈爲吾設花應待客開
小桃何太早紅雨點蒼苔

北關逶迤徑東連宛轉城越臺當戶秀天井入池清倚檻堪垂釣聞歌想濯纓
向來瀟灑意只視此官輕

老樹何人種名園此地無自多新氣色無改舊規模曳杖馴麝子看松長鶴雛
恍疑蓬島近不似在城隅

勝踐烟霞外春風步履初餘恩沾草木得性狎禽魚巖壑真同趣亭臺畫不如
板輿迎養便未許賦閒居

竹密晴疑雨林深暖亦寒不知官閣好但覺旅懷寬蠻果充拌釘江鮮佐食單

平生滋味薄相對勉加餐

此外無賓客應憐老病翁交原因臭味賞亦到兒童時兒楨憂樂論先後行藏

感異同却將詩送日良晤詎匆匆

過前輩梁藥亭故居

風流雲散兩茫然轉瞬前遊十五年癸未春余入館先生散館獨客遠來朋舊少貧官沒後

子孫賢買鄰古有千金語遺稿今為萬口傳話到五交宜廣絕西華葛帔復誰

憐

立春日張梅麓前輩招飲雲麓堂

仙萼五葉撰良辰書繡還鄉恰及春海內久推黃髮老堂中猶侍白頭親金花

彩勝隨年換銀燭華燈照座新今夕從君論出處始知天地有完人時張以養親告歸

喜晤藍公漪

藉甚榕城叟才名洵不虛氣吞三斗墨筆吐五車書客沉浮萍合交情碩果餘

臨邛有賢令

謂姚番
禹齊州

猶足重相如

人日雨中遲公漪不至

夜夢羅浮春碧桃千樹霞醒來枕上雨落盡城中花東風冷吟人謂若坎井鼃
當門列雉堞雲霧重周遮我懶不能出招呼及鄰家速客客不來舉杯還自嗟
一歡難強致由命匪由他

用昌
黎語

謁南海神廟

姚侯送我遊黃灣澄江一道晴無瀾黃昏到岸天色變徹夜震撼號驚湍平明
謁海神雲氣解駁光斑爛殿中擊銅鼓聲落海外迎潮還巡簷繞廊看古碣手
剔碧蘚青苔斑或欹或仆或屹立節角劇殺形模殘煌煌

御書碑迴出唐

宋元明間浴日孤亭表其右七十二級直上窮躋攀不知樽桑出地幾千丈頓
覺東西南北四望無遮攔驪龍吐珠蛟歎涎陽烏擊水鼉移山祝融分位當炎

躔萬象呈露秋毫端紫霞紅浪上下兩摩盪中有萬點風檣竿星流電掣到廟
下一一椎髻垂花鬢吾皇膏澤被百蠻遠人畢至邇者安自從計臣握竿變
新法鹽筴纖悉多歸官廣川大澤禁漁獵網漏魚鼈羣生慳問神受封今幾代
蒿目豈不知時艱國家大事必祭告謂是正直靡欺謾幽明胥蠻一氣旋憂
樂當與民相關曷不草綠章爲民請命恩宜頒但使方隅獲沾山海利神亦
坐享血食無慚顏

附 擬南海神答查悔餘先生謁廟詩

修法海

先生蒼顏鶴髮七十強磊磊落落詩名天下揚笠篲芒屨竹杖水浮陸走
萬里來炎方羅浮神仙窟羊城富貴場掉頭兩不顧輕舟獨泊旼旗岡徑上
七十二級浴日亭愁看場谷金暈浮扶桑直入廟中搗銅鼓鼓聲遙撼零丁
洋蒿目時艱不可說惟神若可默贊襄高歌如慕復如怨怨到海神神亦傷
自從祝融宅南海風非古昔俗禱張田荒莠長蠹蟲活常平十郡封空倉一
水虎門扼衝要雕蹄鑿齒通來王珠璣翡翠珊瑚樹玳瑁靈犀琥珀光罔象

見利亦忘義，擲揔斷雜官。商鹽法權法，不可問山盜。洋盜爭強梁，職守一方司。民命安敢坐，視蒼生殃獨憑。正氣觸百怪，幾夜辛勤草。綠章豈知山鬼足，伎倆陰晴播。弄蔽太陽芒，茫茫萬里九天遠。狂風吹倒百鍊剛，古來天定能勝人人定。亦能勝彼蒼，吁嗟乎人定勝天。可奈何尸位不去，慚顏多詩家。若有斡旋手，請君更作回天歌。

海雲寺同藍采飲王符躬作

波羅廟下凌晨發，直到雷峯弭畫橈。一綫春流通斷港，華鯨南應虎門潮。水窮雲起得禪關，突兀樓臺數十間。曲曲迴廊隨步轉，不離平地却登山。木棉兩樹最稱奇，拔地參天萬萬枝。自咲杖藜來較蚤，不關渠事作花遲。一龕容得十方僧，個是天然第二燈。更約羅浮觀日出，尋師還上最高層。住持塵異

時往華首臺

與番禺姚明府齊州二首

樓指修門別，俄踰二十年。君顏猶白皙，我髮已華顛。毛檄差堪喜，王鳧自得仙。

春風花滿眼及此話前緣

簿書原不俗插架有牙籤詩好人人說才優事事兼肯教同列忌難得上官廉
驥足行將展毋須嘆久淹

花田詠古

鴈翅城南寂寞濱芳華小苑已成塵珠襦夢斷鴟嗥曙粉麝香消雨洗春翠輦
幾經偏霸主素馨曾識故宮人賣花擔上東風信流轉人間又一巡

珠江櫂歌詞四首

一生活計水邊多不唱樵歌唱櫂歌
鬻子裹頭長泛宅珠孃赤脚自凌波
剪得青蒲織作篷平鋪如席卷如筒
往來慣是乘潮便不使朝南暮北風
生男不娶城中婦生女不招田舍郎
兩兩鴛鴦同水宿聘錢幾口是檳榔
米價高于珠價無就船剖蚌換青蚨
近來官長清如水不是珠池亦產珠
大行仁憲恪順誠惠純淑端禧皇太后
輓歌二章

形史媯皇紀徽音 壽母賢手襄開剏業坐閱太平年典禮三朝備哀榮五福

全北山松頂月移照賁重泉

鳳輦承顏地龍樓問寢晨 一人隆孝養萬國仰尊親海角宣遺 詔宮中閱

早春朝班瞻望遠淪落泣孤臣

呈前輩鄭珠江先生

鄭公青瑣彥雅尚寄林泉在野長憂國觀空晚入禪與時疎應接顧我數入周
旋此意能無感依依杖屨前

偕梁孝穉遊法性寺有懷心月上人兼示希聲學子四首

有約尋僧去攜筇出郭賒東風吹白髮春事到梨花石畔三生路林間一味茶
橫枝不傳法消息問誰家

一片青苔色當門屐齒留近身無俗物望遠得高樓轉覺城中隘真宜象外遊

折腰吾不慣到此小低頭

簷蔔樓下心
公影堂在焉

欄楯遙相望中開一畝池波明堂欲動魚樂我先知惠遠流風在柴桑入社遲

勿嗟耆舊盡弟子總能詩

藥亭舊與心公
結詩社于此

蓮漏晨猶滴齋鐘午罷敲沙彌通佛性居士慰神交

座間喜晤周乳峯

庭長桄榔節窗

臨翡翠巢重來應未厭幽事滿西郊

長壽菴坐湛菴禪師方丈聽談石公舊事

津梁誰得限傳法到交南涉海如航葦還山遂築庵劫難逃宿業風不動毗嵐

賢嗣真龍象千鈞獨力擔

齊州於縣治之左新闢園池名梅花邨暇日與客同遊索賦

蒼苔一曲轉東垣廢地俄成十畝園行處軒窗多入畫望中花柳却疑村南通

海眼安池位北引山光落酒樽直作吾廬吾亦愛萍踪隨水欲生根

上官竹莊為余寫青山歸權圖公漪有詩戲次其韻

舊聞五嶺皆炎熱到此能無憶冷泉不謂留行無地主老夫興盡却迴船

為友人題暮雲春樹圖二絕句

渭北與江東斯人兩不作借取一幅圖為君論詩學

暮雲與春樹此景世不乏借取一聯詩為君論畫法

修醒園以騎驢出嶺圖小照索題戲作六言律詩一首

我愛竹莊妙手爲君寫此橫圖天南豈無鴻雁

醒園與中丞爲兄弟行故云

嶺北猶聞鷓鴣

莊言非馬喻馬佛說騎驢覓驢一笑不離行脚阿誰先取歸途

時余亦將歸

題翁蘿軒爲藍公漪所畫枯樹小幅

故人垂老交情爲寫枯枝贈行喚起羅浮春夢來聽紙上秋聲

有以白菜餉中丞者中丞有詩屬和韻

閉門風味宛然存菜把猶多餽送痕傳語園官須手種亟乘春雨斲籬根

王符躬舍人席上贈許蒼嵐

許侯天下才曾宰樂昌縣官如已墮甌棄去胡足戀邂逅結襪生呼朋開廣宴
君乘斑駁來遇我心相善昨日誦君詩今朝識君面冰壺貯秋月表裏皆可見
平生千丈氣對酒尙豪健一吸盡一升卷波看白戰商聲帶河嶽風日爲之變
我欲和此歌朱絃忽中斷

清涼山莊圖符躬屬題

舍人示我山莊圖生綃橫展五丈餘良工三年寫始就金谷輞川何足摹君家
舊住清涼麓萬里江天入遐矚故應胸次豁然寬占斷此山猶未足石頭城門
平日開千巖暖翠排空來珊瑚碧樹好顏色照耀初日生樓臺樓臺高下無重
數徑轉溪迴總迷路標題一一都有名毫末微茫指其處問君結念毋已奢洞
天福地歸一家績成奚翅萬金產還恐山林跡尙賒君言好事皆虛事架構良
難畫差易未能依樣買園亭乍可隨身蓄巾笥海山兜率吾不知此圖要亦人
間稀神仙只被瑤京誤楚鶴何天不可飛

正月晦日喜雨用中丞見示原韻卽以志別

風花半落經春暖雷雨初來送曉寒農事相關公最喜物情不隔我同歡雞鳴
如晦方懷友蛙鬧何知豈爲官借取一篙清漲水野人歸欲濯纓冠

題上官竹莊羅浮山圖

大瀛海外有十洲巨鼇不上龍伯鈎何年背負蓬島至兩山合一成羅浮奇峯
三百三十二一一豈易窮冥搜眼中孰是好奇者上官山人今虎頭山人欲爲

山寫照直上崔嵬走翫齧朱明古洞華首臺佳處真能領其要歸來繪作指掌
圖萬象攝入摩尼珠綠毛鳳挂佛子髻五色蜨化仙人襦我方神遊力不足爲
爾題詩展橫幅正緣身不在山中識得羅浮真面目

光孝寺與咲成上人

訶林冠嶺外重是古道場摩訶菩提樹躡躅風旛堂不見祖師面徒拈一瓣香
上人方坐兩咲客疲津梁

次韻中丞公夢羅浮作

有意遊仙事竟違羅浮未到我空歸輸他準勅狂開府夢裏乘鸞獨自飛
將發珠江遇李約山觀察自粵西來訂同歸之約
世途岐出處長恐見無從只隔東西粵相望千萬峯君其李元禮我豈郭林宗
江上同舟約何期邂逅逢

海幢寺十二韻

阿字禪師道場

洞宗衰復振派衍自天公半是逃名客羣稱出世雄雲幢標郭外香界湧南中

填海為平地參天起梵宮歛成疑鬼運幻出儼神工穗石浮佳氣朝臺拜下風
五仙皆法護十力盡神通蹴踏諸方徧跣趺片席崇我來塵世隔師去影堂空
法供瓶爐潔齋廚菜豉豐映階笙竹翠耀眼木棉紅緣境他生結留詩記此翁
二月八日初離廣州

來時麥苗綠歸路麥穗黃南方冬春交物候總不常可憐百萬戶戶戶資春糧
曩苦食無鹽今愁米價昂温風送微雨中有餅餌香忍飢待食麩差勝犁遷荒

嶺南廢田有遷
荒老荒等名

舟過三水邑宰徐君來晤口占贈之

徐由庶常改
官新莅茲土

三水合流處孤城近海壩誰知花縣宰舊是玉堂仙吐俗觀新政官情耐左遷
天涯相識少為爾一停船

羚羊峽

兩崖挂羣龍下飲一江水水窮山忽住水轉山復起草木所不生石頑盡橫理
惟聞露援叫杳杳雲霧裏

朱觀察紫垣席上賦贈二首

我識朱公子佳名在棗香承家新節鉞開府舊封疆才大移風速官閒化日長
三州行按部處處有甘棠

昨入中丞座唵君唱和詩法從前輩得清受大僚知細雨凝香室春風畫戟枝
掣鈴容埜老雲樹慰相思

南戲東高要令王寅采同年

崧臺君暫憩雲嶠我間關白髮重攜手青春好駐顏硯開鸚鵡眼香點鷓鴣斑
劉愛煩斟酌無踰二者間

登端州城東閣江樓

好事何人送酒來自扶雙屐躡崔嵬山從迴雁峯頭落潮過羚羊峽口回浩浩
風聲隨几杖濛濛蜃氣出樓臺天公不薄將歸客霽色今朝爲一開

時久雨
乍晴

望七星巖

維北有七星天樞永不移寓形忽隕地幻作岩壑姿我登閣江樓高詠慈恩詩

七星在北戶一一俯視之此生名山遊待了婚嫁期洎乎婚嫁了筋力恆苦衰
輸他有力人濟勝忘欽崎猶賢無目者興到目尚隨

題寅采同年小照

身為端溪主不蓄端溪硯賓戲主不知低頭方展卷

題李峻瞻移情圖

江峯不比海山深鼓瑟何如聽鼓琴不是琵琶箏笛手莫從人境覓知音

覆石 有序

南中英石硯山多出工匠補綴而成惟產自沙土中天然無刻畫痕者斯
為上品余歸笈得二枚焉一為佟中丞所贈峯勢迴環中穿六孔一為姚
番禺所贈勢若飛雲孔大小倍之以尺度之長皆三寸許世所稱皺瘦透
者殆無美不備此遊獲此亦足以豪矣今日行過德慶舟中無事羅列几
案賞玩不足紀之以詩

韶州山石奇英州山石秀人言奇者雄不若秀者瘦蒼龍骨離立歲久色微黝

脫落之而鱗深埋無底竇結成岩洞勢潤被沙水漱玲瓏具本性蹙縮聚衆皴
斧鑿絕纖痕中虛互通透偶然遇好事不悵高價購置之几硯旁命曰小雲岫
一拳殊不易況敢望多又而我獨何幸歸舟誇日富熊魚兩得兼彼美適邂逅
款款儼欲飛翩翩若相就人間陸賈裝金玉難單究千金真俗物至寶肯輕售
何如落吾手出入在懷袖再拜謝故人茲情亦良厚

望夫山歌

杜鵑花紅映白杜鵑鳥嘯吐血阿夫去作海上客阿嬾山頭化爲石望夫不歸
兮可奈何蠻風蠻雨春來多

封州

十詠傳嘉祐

宋嘉祐中田開知封州有
臨封十詠感誇風土之美

征途喜乍逢時平山少盜俗儉戶勤農

趁雨收新麥連郵急暮春江船多買客一稔給鄰封

梧州

東粵行初盡三江此要衝商通藤縣米箴出象州松北望雲千疊南來瘴幾重

小舟如箬籠雙膝劣能容

雨中飲梧州郡守范拙存署齋

清絕蒼梧郡山城並水涯使君非俗吏官閣似村家
雨戰櫻欄葉籬編豆蔻花
春寒連日甚勸我酌流霞

與郡丞趙默菴話舊有感

憶昔赴黔幕買帆泝漢陽趙家好弟兄一見傾肺腸
吾兄謂韜亦豪士齒序同

雁行君時甫弱冠意氣爭顏顏往往副虛懷
高譚陋詞章風塵一揮袂自爾成

參商奄忽四十年舊遊半存亡兩萍浮大海乃在天一方
東坡詩蒼梧獨在天一方我鬢既

摧頽君顏俄老蒼大才屈佐郡何以展爾長鬢城二月中天氣如梅黃
入門巾屢溼急雨鳴淋浪呼童啓書齋延我臥竹牀此情不殊曩
此景安可常別易會苦難況迫桑榆光臨分留數語俛仰多感傷

逆風上灘歌

船頭喜銳不喜方竹篙用短不用長上灘取逆不取順出險在閒不在忙
老夫

昏昏篷底坐靜聽兩旁風雨過深慚作力役多人成就垂綫一游惰

雨中過昭平縣與馬莘叟

風磴層層上衙齋踞地高到門雲氣合入座雨聲豪已覺簿書簡猶多迎送勞
酒香奴飯白青眼愧吾曹

龍門峽

龍尾千層雪龍頭萬斛濤峽形當絕險崖勢故爭高木馬船騰槽立藤蛇絡石
牢雲端牽百丈絲路辨秋毫

修中丞貽我羅浮蜨繭數十枚三日前雙蜨先出置之籠中朝來風日
晴暖栩栩欲飛因開籠放之

五色仙山繭分貽不計枚似貪歸路近雙翅獨先開此豈籠中物無端入夢來
人間何足戀好去莫徘徊相傳此蝶雖在千里外必返故山

楊誠齋詩有韶州山又勝雄州之句余過英德為進一解曰英州山又
勝韶州今日行至平樂城南羣峯競秀爭奇目不暇給英山又不足言

矣問之士人無能舉其名者然不可無詩紀之也

突兀離奇縱復橫峯稠嶂疊總無名千尋自拔雲霄上萬古何曾艸木生佛指
佛螺青未了石蓮石筍畫難成天教增損詩人眼直覺昭州又勝英

晚泊劉公渡望對岸諸峯

澄江一道鏡初鎔寫出東南隔岸峯指掌圖中看倒影夕陽一百二芙蓉

陽朔縣

雲從巫衡來勢落桂嶺外散爲椎結族陽朔乃都會森森競駢植巒巒或孤介
滿眼盡兒孫丈人竟安在孤城如廢井百雉陷其內亦復設官司于茲領岩砦
兩衙排籤立日與刀劍對匪曰牧人民而云禦臙彪昔賢遷謫到所以多感噫
俾山蒙惡名夫豈山之罪不作一錢直斯言毋已太 聖朝懷遠人吏職視殿
最此邦瘴癘區遷轉異流輦于今號捷徑上考率三載寄語親民官後來須自

愛

春燒

粵俗不好生連山發春燒新蕘與枯枿往往同一燎昆蟲方啓蟄被虐慘無告
造化豈不仁吁嗟落蠻徼客行天南陬半月抵都嶠侵肌苦毒霧白日罕朗照
五行或偏勝風痺恐難瘳焉可無繼離易疏以離上三爻繼明者爲火來爲萬物燥人情懷所
便卽事具慶弔此樂非彼欣相哀莫相誚

桂江舟行口號十首

龍江驛前水倒流竹棚移上別山頭趁虛人去愁喚渡失却閣沙剗木舟
灘江江色綠於油百折千回到海休多事天公三日雨一條羅帶變黃流
水自東流客自西經過大抵是淒迷木棉枝上鈎轉烏夜夜夜深不住啼
下灘不信上灘勞比似登山步步高好語梢公牢把枕上前只費兩三篙
行近昭潭灘倍多艣郎勸力唱牙何此聲莫作尋常聽便是湘南欸乃歌
南望蒼梧北桂林中間七驛瘴尤深不知雲氣藏多少能使蠻天日日陰
霧雨濛濛霽景稀人編蕉葉作蓑衣櫓搖漁父唱歌去牛背牧兒浮水歸
戍旗相傍有人家水退依然就淺沙二月芳菲看已盡滿灘蘆葍自開花

過盡頑礪亂石堆繡山一穴忽天開明知不是秦人洞容得漁舟日往來

一月春寒甚臘寒北風颯颯上檣竿南人不辦冬衣服也道朝來袂勝單

飲同年叢汝霖桂林學署兼志別

不以他途雜時猶賸此官名傳人口易實獲士心難行色春將晚離筵花正殘

蠻城一杯酒懷抱若為寬

木自東上巳前一日發桂林

連日輕寒連夜風滿城桃李一時空伏波門外梨花雨春在鶉啼猿嘯中

靈川縣齋清明

已過上巳即清明一月天纔兩日晴記取靈川好風味新茶新豆到山城

平蠻歌為靈川令樓敬思作

槃瓠遺種成野豻充拓百粵西南間桂林所屬半猺獞猺性稍馴獞性頑獞中

廖二乃最狡結砦背子

義寧縣山名

藏神姦義寧邑宰畏如虎長惡不復加防閑康

熙五十有六載遂逞螫毒為民患

叶平公然越境大劫殺乘勢搖動西江灣

東江西

在興安靈川 靈川樓侯奮髯怒一念軫卹周痾瘵請于中丞願勦賊朝發夕下
兩縣界中

無留艱官軍壓境屹不動旁睨翻咲書生孱豈知仁者必有勇勇氣遠過齊成

颯出孟子力捐百鎰鑄戎器更募丁壯踰千緩仲冬誓師謁神廟聲並淚下垂

濟濟與神幽明共守土捍禦災患宜相關狼貪豕突忍坐視一任滿耳啼孤鯨
陣圖兵法貯腹筭臨事布置神安閒先營壁隄後糧糒下極坑谷高躋攀天寒

雪少但瘴霧地盡石出皆榛菅孤軍深阻三百里間道別取千尋山賊巢漸近

徑彌惡出賊不料攻而環焚林燎穴何處遁照耀岩壑朱旗殷渠魁就殲脅從

赦散以畎畝閭閻自從出疆迨飲至三十五日師旋般明朝獻馘上幕府隊

仗整肅排班班受成例應給大賚爲國惜費情非慳有酒盈缸其色碧有羊在

牽其首盼侯不居功以歸衆單醪挾纊胥均頌人傳封事上 北闕我適問道

將西還過侯治下暫弭楫爲我掃榻開門欂杯闌抵几聽陳說竊嘆膽氣何其

豨如聞鼓鼙作餘力如覩介冑當躬環 朝廷設官鎮羣獠文武分職毋相奸

至令儒臣建偉績壯士毋乃多頽顏是庸作歌勒諸石義在小雅誰能刪他年

采入桂海志碑額不愧書平蠻

樓敬思朱襲遠追送于大瀨江賦三言古詩為別

胡桐花萬堆雪躑躅花千層血大波淪小波沕百斛舟十夫力居者主行者客
湘江南灘水北雲淄淄風淅淅難莫難此時別

靈渠行

驚瀧下走三百灘上流何至一掬慳灘源濫觴乃在此七十二重灣復灣此渠
鑿自秦史祿初僅能通不能蓄迨唐觀察李濬之添設陡門三十六石槽石斛
升斗儲一門典守用兩夫鐮隄前啓後下板修綆汲船如轆轤雷轟電掣飛一
綫盈縮直從呼噲變官船銜尾客船停那得人人與方便勸君小泊底須愁不
過多為半日留平生恥共人爭路況有林巒慰勝游

陡中岩
岫絕佳

夜泊鐮背伏波祠下湘灘二水分流處

伏波祠廟枕江濱湘北灘南兩派分新月滿船天在水蒼梧回首萬重雲

興安田家

澁勒連邨綠樹濃家家臨水設機舂刀畊火種風初變聞是山農是澤農

夕抵全州城外

晨發鑿齒潭暮抵洮陽境急流二百里一宿兩程併去聲通塞世多途疾遲吾有

命適來非意計及此聊乘興峨峨湘春樓鬱鬱蒼松逕城南松徑亘百餘里尺相傳陳堯叟所植

尺不可尋黃昏風雨橫

零陵道中

旗脚東北擲朝來乘便風清湘送帆影翩若南歸鴻臥看兩岸山白雲起蓬蓬
前飛不作雨掠過青玲瓏導我向零陵爲我驅羶霧在遠睇歛接緣沿路靡窮
昔讀子厚記神遊乎其中溪山豈不佳好事疇繼公便欲訪古蹟征途去匆匆
無人爲指似艸木徒龍葱

題浯溪寺中興頌磨崖碑後在祁陽縣東南五里

靈武功成賴朔方中興名號遂歸唐少陵善頌無多語勳業汾陽異姓王

千古磨崖一統碑後來山谷有題辭獨教官蹟留餘憾不刻春陵數首詩

三月十五夜湘中見月

于役忽半年孤懷寄歸艫北來四十宿今乃辭瘴鄉地當衡永交水派瀟合湘
明波蕩圓魄春月如秋光乾坤清氣中草木流真香蓼蓼風乍發漫漫夜何長
遙聞漁父歌鼓柁下滄浪白鷗飛不到江永烟蒼茫

過郴江口有感于杜工部事

十載遊巴峽三年客楚疆青袍常避亂白髮儼投荒許國才難盡憂時命不長
靴洲疑冢在過者亦神傷

望衡嶽

昔遊曾到長沙郡三十七年今又來夜向湘江聽雨過曉從衡嶽見雲開帆移
九面鏡中轉雁斷一行天際迴欲著青鞵還自嘆已無脚力上靈臺

者朱陵之靈臺

徐靈期南岳記衡山

淥口沽酒

沙灣小市柳毵毵淥蕩成味最甘滿引一杯歌一曲無邊春色洞庭南

醴陵縣

長沙封壤盡僻路極崎嶇一水趨湘急孤城入楚深怪禽嗥少伴斑竹泣成林
苦語騷人得幾同木客吟

前過常山玉山今過醴陵萍鄉四縣令同以一事去官偶紀之

朝廷惜民力大事給郵符朱邱徵求急皇華道里紆上官曾有檄小吏似無辜
獲罪由腰笏寃哉何易于

自湘東驛遵陸至蘆溪

黃花古渡接蘆溪行過萍鄉路漸低吠犬鳴雞村遠近乳鵝新鴨岸東西絲繹
細雨沾衣潤刀剪良苗出水齊猶與湖南風土近春深無處不耕犁

復入舟

天公假我一日晴籃輿軋軋山中行山行既盡復買棹欹枕夜聞雷雨聲諸灘
暴漲波雷雷人與鷗鳧互相雜秀江橋外櫓枝柔穩過袁州小三峽

牛欄鍾山
昌山三峽

在宜春分宜
兩縣界中

盧肇宅在宜春城外今為學宮石筍一株猶存相傳唐時故物也

舊聞盧氏宅中有讀書臺地以名流著人探古蹟來便應呼石丈幸不中碑材

顏魯公事見歐陽四門集秀色如堪搥摩挲一片苔

分宜感事

曾從史館見長編太息明朝嘉靖年牛李恩仇初植黨京攸父子互爭權東門

牽犬情相似西市駢梟世不憐賸檢鈐山籍官簿兩橋猶盜水衡錢嚴氏父子

籍其家事見鈐山籍官簿中當時于州縣城外造兩石橋費各鉅万世蕃皆盜官錢為之鄉人不知至今猶有稱道其事者

清江道中

甘林百里夾清江岸風來白雪香何減浣花溪上路人家多在果園坊

重泊鉛山河口却寄施渟如

弱纜牽船與岸平一支春漲轉山鳴坐看片月流雲影臥聽長風挾雨聲此地

故人曾有約重來小吏最相輕講堂不到吾滋愧為報新編志已成去春曾枉書幣邀余

修鵝湖書院志今屬稿粗就施已內擢離任矣

朱甥德瑄出家爲僧法名某號渭宗今住沙溪靜室舟經其處留詩一首

汝甥吾是舅夙世世間緣見面尙相識出家今幾年但能修苦行不在學參禪
蚤晚黃梅雨隨農且種田

自題粵遊草後

老夫不怕寒怕熱冬月出門夏到家輕負嶺南三百顆此行剛看荔枝花
一日例吟詩一章中間未覺應酬忙無端來往萬餘里題徧前賢謫宦鄉

敬業堂詩集卷四十八

崇業堂後集卷四十八

昔聞廣氏宅中有讀書聲或以名流著人讀書聲非使應呼石大舍不...

一日偶知翰一草車間未幾感... 崇業堂後集卷四十八

李夫不... 崇業堂後集卷四十八

崇業堂後集卷四十八

崇業堂後集卷四十八

崇業堂後集卷四十八

敬業堂詞卷四十九

餘波詞上

沁園春

寄徐初隣金陵

金縷曲

送威鶴江入都

滿庭芳

為叔母葛夫人五十壽

金縷曲

過家黃門伯如圃

風流子

喜韜荒兄楚歸

雙雙燕

寄聲山姪

金菊對芙蓉

西水吳氏故居

沁園春

淮郡主故苑

前調

薔薇

前調

送友人遊洞庭山

滿庭芳

陳簡齋先生新葺閉園隨黎洲黃夫子過訪留贈

瑞鶴仙

秋柳

臺城路

秋聲

金縷曲

送陳六謙謁選北上

沁園春

友人邀余賦閨中雜事分得

三題

枕

前調

被

前調

席

惜紅衣

金魚

海天闊處

螢

翠樓吟

蟬

眉嫵新月

多麗詠水面木芙蓉花

綺羅香橙

白苧不見陳撝謙一年有餘填此寄

之

臺城路寄題初隣水亭

惜餘春慢王桐村新葺小軒索題句

百字令壽張魯白

臺城路九日同人小飲和朱日觀

邁陂塘送韜荒兄往白下時余方計

楚游兼訂偕行之約

八歸送燕

玉蝴蝶雪

望湘人寄季叔楚署

鳳池吟上元村居

臨江仙北山寓樓與宋梅知夜話

瑞鶴仙影客舍詠燈花

八歸寒食塘西道中與張介山別

減蘭己未四月別家作

臺城路初有江漢之役朱日觀王子

穎桐村祝豹臣家西莓叔德尹弟眉山姪追送於朱與三表兄村莊席

上賦別

木蘭花慢端陽前二日程禹聲徐淮

江錢飲南湖舟次兼誚別俞右吉先生

臨江仙 平望驛

朝中措 夜遊虎丘

百字令 楓橋夜泊

宴清都 過無錫風便不及泊遙望九

龍在蒼翠間向隣舟分得山泉半瓶烹茶破睡

玉漏遲 夜過毘陵

帶人嬌 丹陽道上

水龍吟 登北固山

滿江紅 京口曉發夜泊觀音門外

永遇樂 燕子磯同韜荒兄觀劇

解連環 訪周雪客於汝南灣不值

滿江紅 輓胡二寄先生

前調 胡震生索贈

渡江雲 蔡璣先鉉升兄弟招同王璞菴胡震生泛舟秦淮席上分調

邁陂塘 飲胡星卿先生白鷺洲荷亭上

安公子 題余鴻客杏花村居是日品茶而不門酒填詞紀之

應天長 蔡龍文招同方邵村侍御吳待觀孝廉胡震生王璞菴家韜荒集

懶園席上分調兼示令季五玉
八聲甘州 送王璞菴入山左戎幕

樓中天 發金陵王汾仲胡震生追送于江干留此志別

滿江紅 野泊卽目

驀山溪 天門山又名蛾眉山

浪淘沙 繁昌舊縣

碧芙蓉 望九華山

南浦 皖口舟中

點絳脣 雨後泊李陽湖

燕山亭 月下聽隣舟彈琵琶

長亭怨慢 過湖口追荅俞大文兄弟

渡江雲 六月十五夜同韜兄琵琶亭對月沽酒不可得填此解嘲

長亭怨慢 武昌縣西道士泐亦名西塞山絕壁臨江上有張志和祠按西

塞山在吳興唐書張志和金華人顏真卿守湖州時志和來謁願浮家

泛宅往來若雲間蹤跡未嘗入楚也陸放翁入蜀記云卽玄真子漁父

詞云云者第未詳考耳

臨江仙 漢陽立秋

河瀆神 桃花夫人廟

驀山溪 玉沙署庭有菊數本課僕除

草編籬以護之亦知花時未必留賞聊以習奴輩之勤爾

虞美人

臺城路 自到江陵三得王桐村書感

其勤倦之意填此奉答

前調 妓席作

賀新涼 秋晚獨上荊州城樓

氏州第一 與韜兄江陵分手久不得

武陵消息近傳已赴南昌幕府因便寄懷

木蘭花慢 雪後再登龍山落帽臺

夢橫塘 題城南田老齋壁

拜星月慢 夜渡荆江時官軍初下湖南

驀溪山 冬杪層市道中

齊天樂 庚申武陵立春

前調 元夕

徵招 得外舅陸先生都下書

邁陂塘 得威鶴江書兼寄文可上人

珍珠簾 早春寄弟

朗州慢 余來武陵當兵燹之際觸目荒涼邈劉賓客之舊遊悽愴憑弔與

姜白石追思小杜寄慨略同因和其自度揚州慢一闋以見意用其韻

而易其名亦猶春霽秋霽之不改調云爾

武陵春 泛小舟渡沅江尋梅

木蘭花慢 季叔將往辰州以佩刀奉

別

昭君怨 江樓偶題

門百草 上巳武陵西郊閑游有懷東亭又微聲山諸弟姪

掃花游

清明後一日再游在山與山學禪師茶話

邁陂塘

送楊粲英往湘潭

南浦

次張玉田春水韻

氏州第一

立夏

安公子

寓庭芍藥一窠花垂放矣余

將理沅南之棹不及待其開留詞別之

滿江紅

內子三十悅辰寄此為壽是日在桃源舟中

滿庭芳

從住灘步行渡朱洪溪

醉太平

船溪驛

浪淘沙

楠村梅花橋佛閣小憩

好事近

麻陽同天寺僧房

南柯子

初入麻陽溪

摸魚兒

遣家信紙有餘幅書此足之

臨江仙

銅仁郡閣雨望

花犯

石榴

瑞鶴仙

鳳仙花

蘭陵王

安丘劉丙孫故相國少子也

風塵天末來宦沅洲與楊中丞有通家之誼銅仁郡齋共數晨夕知薄

宦非所樂也因用其扇頭舊韻填詞贈之

前調

贈吳鴈山次前韻

木蘭花慢

七夕江口舟中作

百字令 八月十五夜銅仁坐雨有懷德尹潤木

前調 十六夜見月疊前韻 鵲橋仙 庚申閏中秋

臺城路 浦市別宋梅知並簡故園諸子

點絳脣 冬杪發銅仁晚宿松樹坪 清平樂 平溪道中微雪

洞仙歌 渡重安江 金縷曲 清平縣

消息 宿楊老驛 玲瓏四犯 韜荒兄昔過黃絲驛賦二

詞組織極工今來不無蔓草零露之感填詞寄之

敬業堂詞卷四十九目錄

海峽堂圖書四十大目

海峽堂圖書四十大目

海峽堂圖書四十大目

海峽堂圖書四十大目

海峽堂圖書四十大目

海峽堂圖書四十大目

海峽堂圖書四十大目

海峽堂圖書四十大目

海峽堂圖書四十大目

敬業堂詞卷四十九

海寧 查慎行 悔餘

餘波詞上

余少不喜填詞丁巳秋朱竹垞表兄寄示江湖載酒集偶效贖焉已而偕從兄韜荒楚遊舟中多暇徧閱唐宋諸家集始知詞出於詩要歸於雅遂稍稍究心自己未迄癸亥五年中得長短句凡百四十餘闕甲子夏攜至京師就正於竹垞留案頭許加評定旋失原藁已四十年矣曩刻拙集時頗以爲闕事雍正癸卯正月忽從沈子房仲楚望椒園兄弟獲此抄本故物復歸殊出望外昔人有悲墜履哭亡簪者茲集之失而復得視敝履著簪不又多乎哉因取前後所作編次爲二通用少陵詩語題曰餘波集仁和趙子意田爲補刊于詩後初白翁手識時年七十有四

沁園春 寄徐初隣金陵

鐵鎖消沉江勢東來直下金焦想笛簫婆官淒清舊步鼓迎龍戶寂莫迴潮啼

殺棲鴉滴殘晝漏昨夢回頭覆鹿蕉無多恨最傷心兩字怕說南朝水亭閒
望勞勞但春去春來急景銷嘆廢寢堦垣棠花漠漠故家門第燕抵飄飄欲別
誰留欲歌誰和細馬馱過皂莢橋無人管拚酒邊歸路風墮鞭鞘

金縷曲

送威鶴江入都

酒罷昏星沒正春江揚舲捩柁曉程催卽十載誇張才人事香傳茶經俱輯詩
草又新來成集湖海名流徵欲起賸唵窗席冷無人奪眉子研且勤滌京華
不少閒遊客料紛紛彈冠結鞵乘車戴笠同學行藏都在眼幾箇文章得力悵
生事逡巡五十誰信蘆溝橋上路有布衣障扇騎驢入定那處相逢揖

滿庭芳

爲叔母葛夫人五十壽

耳厭笙歌庭無鶴鹿等閒甲子空徂象牙齒冷白髮蚤隨梳三十年來舊事傷
心絕人世全無多付與前塵小劫彈指過須臾如今剛半百長明燈下勤禮
文殊幸添香掃榻未要人扶猶有高堂健在依棲處仍作兒呼春風過綠楊門
巷兩兩聽慈烏

金縷曲 過家黃門伯如圃

明月湖誰賜羨歸來平分五畝就隣買地洛社池亭平泉石也要乘閒先置問
某水某丘曾記里巷不教車騎入便近城大得山林意都寫向畫圖裏 小船
撐過花邊市甚當年清絲豪竹近來多廢野鶴汀鷗閒門外抵得署書幾字关
行馬郎君官貴故客尙尋東閣去愴霜天白菊階墀閉爭得似陪公醉

風流子

喜韜荒兄楚歸

村莊如畫裏維舟了微雨豆花秋看楚俗攜來人情妝粧吳霜未老鴈膳蘧蔬
茅齋下瓦盆隨分設烟火隔廚幽有兔褐茶香侍兒纖手鵝黃酒熟奴子
平頭 我歌兄按拍行樂處何似竹脆絲柔才隔巷南巷北別樣風流問瑞草
橋邊誰貽紅帶富春江上自有羊裘一任酒徒星散去覓封侯

雙雙燕

寄聲山姪

過荷風了向羽扇蕉衫小年偏永青帘換苧轉首涼秋髻影舊事有誰尋省酒
分與詩緣俱冷可因幸舍供魚忘却鱸邊歸興 引領山田一頃有被阪文瓜

交媵香穎平生期許不是不堪馳騁且學蓬茅臥穩算此處原非捷徑甚時撥
權重過話向竹窗烟暝

金菊對芙蓉 西水吳氏故居

鳥啄風箏蛇盤鬥棋高下一帶樓臺自綺羅叢散瓊扇常開晴攀翠竹題名滑
有幾個過客多才大都憐取狂春柳絮倦畫桃腮 北園南埭東齋看花磚經
兩塌盡莓苔時有隣娃貰酒換得遺釵眼前便是西泠路春波外行意徘徊去
年崔護此門此日生怕重來

沁園春 淮郡主故苑

戚里繁華貴主山莊駙馬山亭有記曲紅紅歌珠串串隔帷黑黑絃索泠泠曉
宴催粧夜遊傳蠟長使行人駐足聽滄桑後問楊家田氏幾主曾更 銅環不
鎖巖扃漸拆盡春山屈戍屏但斷浦蜻蜓飛來衣桁空庭蝙蝠掠過窗櫺樹色
濃枯花陰疎密幾處蒼蒼夕照青休回首料華林平樂一概凋零

前調 薔薇

濃暖送寒小雨捎晴紅雲一欄漸竹架欹來柔陰嬾嬾杖籬缺處狂蔓看看高
似窺隣低還拂地幾度牽人宛轉間斜陽外映淺深向背巧逞朱顏 不禁刺
弱枝繁算欲折還休好是難便撲蝶花前微揜羅袖踏青階下先護雲鬢戀醉
多情與春無分長是開時芳信闌餘香好把膽餅貯露黃額輕彈

前調

送友人遊洞庭山

藥裏一囊釣綸一竿清遊在茲嘆越國浮家今無高士吳歌倚棹誰譜新詞壓
擔書輕扶頭酒重過盡松陵知不知垂虹畔問楊郎鐵笛可有人吹 粘天萬
頃玻璃只芥羽中流點破之正石尤風定烟棲花隴熟梅兩足水到茶陂朱橘
論錢黃柑佐釀好在秋光指後期歸颿便乞玲瓏片石與致茅茨

滿庭芳

陳簡齋先生新葺閑園隨黎洲黃夫子過訪留贈

結構初完規模漸拓春田又看成蹊夜來好雨洗盡種花泥宛似元家上澗鳴
鳩外麥浪吹畦橋南北傍籬壘石緩步得攀躋 渾迷回櫂路烟添柳漾雲暖
茶溪正客來問字主愛留題任是游人小住憑闌候風信難齊重過好東園步

履書籍記曾攜

瑞鶴仙

秋柳

風情牽暫住乍鷺老秋絲一年好處依稀想前度爲憐伊腰瘦不成遙妬河橋
古渡冷蕭蕭馬嘶人去傍離亭挽盡長條夢繞江南舊路無數涼蟬抱葉雨
燕辭梢昏雅匝樹時光流轉但暗裏驚衰暮被西風吹得江潭搖落不道樹猶
如許記濃陰隔浦移舟濛濛暖絮

臺城路

秋聲

商飆瑟瑟涼生候孤燈影搖窗戶堤柳行疎井梧葉盡添灑芭蕉片雨纔聽又
住正澹月朦朧微雲來去款款空廊有人還傍繡簾語多因枕上無寐攙二
十五更殘點頻誤響玉池邊穿鍼樓畔一派難分竹樹零碁斷杵更空外飛來
攪成淒楚別樣關心天涯驚倦旅

金縷曲

送陳六謙謁選北上

身世看如此笑忽忽纔停歸檝旋催行李一領青衫氎樣重塵土不堪重洗況

此去復三千里舊社雞豚期且近數同遊何可無吾子想別後當然爾 故人
誰續藍田記便時時哦詩松下何妨公事雙耳未聾丞不負正好聽歌博醉若
行止余皆無地兩角耕牛容易辦怕家人催捉東山鼻終擬索長安米

沁園春

友人邀余賦閨中雜事分得三題

刀尺親裁裏束初成吳綾蜀羅想芙蓉新樣粉嫌輕污醑醑餘馥氣愛輕呵壓
袖曾經墮釵知否未許輕移到錦窠勾留處較佳人雪腕方便誰多 合歡光

景些那更不奈春來獨自何看碧流難浣並頭留影餘温猶印半面成窩熊取

宜男豹堪辟魅不比銷魂寂寂過相思恨是爲君留下長託微波 孟襄陽詩漸看春偈芙蓉

枕榻誠齋詩醑醑爲枕睡爲鄉李義山詩冰紋簾上琥珀枕旁有墜釵金鳳翹唐書五行志韋后妹爲豹頭枕以辟邪伏熊枕以宜男李太白詩爲君留下相

思枕託微波借用宓妃留枕事

前調

被
計幅裁量 平 寬窄隨宜温柔幾重自金針縫罷絲連錦段瓊烟蒸透香護筠籠

泥我朝朝伴他昔昔軟愛裝綿煖愛烘玲瓏裏問凝脂團雪可怕消融 覆來

青翰舟中便慚羞珠兩不同有侍兒帖妥曾鋪曾疊添衣斟酌經雨經風欲

起還遲背人覓得一角偷藏鳳味紅尋思久柰略回身處好夢無蹤劉孝威謝

鄂君慚繡楚侍羞珠李義山詩青翰舟中有鄂君

前調席

脈脈盈盈軟勝桃枝密于白藤甚燕山飛下詩才比雪楚江攜到夏簟分冰薄

取輕安滑防新浴傍枕依衾夜夜曾憑纒藉喜稱身熨貼擁背親承 小憐玉

體橫陳料此外嬌憨着意憎問角展蘇薰為誰鋪襯汗沾椰葉幾度消凝飛燕

能輕玉環能重肥瘦虧他一一勝拋人處只蕉心半卷不在多層尚書疏篋席

白樂天詩六尺白藤床李太白詩燕山雪花大于席杜少陵詩恩分夏簟冰絲薰席見唐書地理志椰葉席見西京雜記

惜紅衣金魚

瑤簪盛苗銀床轉水十分愛養日日來看問甚時纔長紅鱗欲透漸小隊尾株

分樣兩兩淨綠涵空足庭階清賞 美人閒想竹葉為船吹風戲來往鏡光忽

皺牽動簷蛛網恰是一羣驚避沒處幾痕圓浪待穀紋旋細又噏絲萍葉上

海天濶處螢

滿庭草色猶青不知熠燿從何至幽光明滅隨風難定乍飛還止兩兩三三離
離合合池邊林際自隋宮散後便成廢苑再不見繁華地巧向輕羅扇底逐
佳人映將綃綺夜窗歸晚紗燈滿貯帳紋如水月落香沉流輝耿耿一床秋思
好伴他簾外疎星幾點照儂無寐

翠樓吟蟬

密柳河橋疎桐院落陰幾處同起身輕容易托也還戀故園清庇蕭然高寄
奈未穩吟情何來蟾臂驚飛候乍移別樹殘聲猶曳多事慣攪閒眠聽雨晴
昏曉更番到耳日斜樓角外草草又催將秋意風襟露思訴不了清空涼暄略
記且休把冠綉鬢翼依稀似

眉嫵新月

乍殘陽西斂一鉤心字蚤已挂林杪影薄銀河澹沉波處水門未收晚釣窺窗
正好被牆陰強半遮了素娥寡不待及時鐘斟酌畫眉蚤一任淺顰相效比

五更東畔別弄纖巧肯落佳期後團圓意向前屈指應到黃昏悄悄可有人下
塔私禱問裙帶吹風消受拜兒多少

多麗 詠水面木芙蓉花

算秋容佳處偏宜映帶恍移在滕家圖上涉江正好采采憶宿粧水殿醒時是
徐孃老去姿態粉鏡初收銀蟾欲瀉池光冷暗銷螺黛誰憐取浮紅漂白長逐
鴛鴦隊湘君遠未應遺却雲裳霜佩 渾不管攀芳舊侶經營一笑難再倚西
風自傷遲暮木末含情更何待脈脈遙望依依莫戀憑渠流向煙波外伊從此
東西飄泊打併團圓在差勝似落瓣船頭花花相背

綺羅香 橙

翠淺疑流黃嬌欲滴屢報新霜番次顆顆低垂葉底微窺密刺記小庭細雨初
移是籬落年時秋尾似蓬萊金醴嫌酸清泉簌簌已流齒 憑闌幾遍細數自
攀條摘後枝頭剩幾佳客重來取給猶煩一二擣金蠶風味攢眉散綠霧清香
繞指乞人前橘樣偷藏團圓懷袖裏 杜少陵詩細雨欲移橙陸魯望詩自注蓬萊公以金醴四升待主簿主簿嫌其味酸

魏王花木志有給客橙文與可金橙徑詩小船燒薤擣香齏蘇東坡詩使君風味好攢眉

白亭

不見陳撝謙一年有餘填此寄之

小春前重九後風光如此渾無聊賴獨客坐傷往事恁匆匆綠醪銀榼歡呼地
只隔一重城似隔了千山千水向來酒伴零落而今餘幾問眼中有誰跌宕如
吾子 猶記紅牙按曲素手握箏醺船波蕩同過娉婷小市便許我重來怕添
顛顚歌筵側畔好先安筆硯待題詩尾却蚤暗風催轉庭梅一梢偷試屈指前
期漸及燒燈矣

娉婷市五代時鍾傳侍兒所居

臺城路

寄題初隣水亭

兩湖千頃菱花白卷簾漲痕微退蓼岸烟輕蘆村霧重相望渾如天外雲山一
帶算城北城南故人都在釣具詩筒鷗邊穩棹並誰載 三間料合閒閑向東
西南北生事頻悔歸橐長枵遊蹤漸近此段妻兒應怪前期不礙有莼擔挑鱸
緯蕭攔蟹秋雨濛濛重來聽欵乃

惜餘春慢

王桐村新葺小軒索題句

堂笏猶存檐牙未落佳處略煩結構移將雞柵掃却蟲窠頓覺規模非舊花外
清陰又添竹補三竿弓開一肘喜南榮北檻絕無塵到坐消閑晝 真不礙野
老牆低書聲出屋兒比王商能秀水門繫艇兩兩歡迎開徑頻來社友我欲從
君卜隣初念逡巡甚時始就但等閒荒了先廬不願諸甥似舅

百字令

壽張魯白

年年相見認黃山一叟兩襟風帽梳掌摩挲雙鬢改髮短不勝簪導病未拋詩
貧偏愛客此品今來少莎廳竹徑自攜敝帚勤掃 不是不想田廬夢歸路斷
恨終身難了况乃迎門無稚子執斝星星又小溪友留魚園官送菜只合他鄉
老舉觴相屬期君同拾瑤草

臺城路

九日同人小飲和朱日觀

萸烟藥市門開處秋潮乍通村舍竹葉灣東菖蒲港北好友特煩枉駕微霜昨
夜正紅啓榴房翠除瓜架一笑相看風前烏帽並時卸 年年索郎高會多情
懷酒伴長在籬下桂板催詩柳圈被袂總付漁樵閒話重尋舊社笑如此江山

登臨多暇後約蒼茫菊枝聊滿把

邁陂塘

送韜荒兄往白下時余方計楚游兼訂偕行之約

計郵籤茗茗幾驛長亭七十有五杉青牖外揮盃別一片繁笳疊鼓投贈句恨
不滿綠波碧草江郎賦杳無重數向紅板橋頭青楊巷口都是黯然處 應悵
望舊日杏花春雨重來雙燕曾誤莫愁艇子空城畔潮落潮生如故邀笛步好
借取半帆風色先期赴逡巡且住待結束遊裝明年相趁共聽鷓鴣去

八歸 送燕

曾棲幕上暫依宇下弱羽處處堪寄翩然便欲辭巢去似怕尋常巷陌再到難
記還細踏簾鉤認取又相對呢喃未已徘徊意應惜茆堂此後整長閑 抵得
江南一度雪程風驛草草詩人下第春來且住秋來且別身世誰非旅邸笑行
藏未穩與爾飄飄定何異知明歲花濃柳澹社日前頭主人歸也未 詩人下第
用章孝標
賦歸燕事少陵詩請看處處
巢君屋何異飄飄託此身

玉蝴蝶 雪

聽到五更風息幢幢燈影愁度長宵曙色飛來銀海翻動銀濤鏡光融拂花還
起研冰薄呵氣旋消任兒曹團獅作戲愛竹頻搖 蕭騷荒村南北數家煙火
迷了漁樵野濶天低絕無人跡過溪橋草堂清梅魂欲斷江市遠酒價應高待
招邀晴邊蠟屐踏破瓊瑤

望湘人 寄季叔楚署

便鄉音無改簿領垂衰星霜兩地頻換遠信難真孤飛易倦惱殺衡陽少鴈僕
射洲空夫人城老落帆幾片自峨眉冰雪崢嶸眇到蜀江春暖 旅食舉家未
免只龍陽難辦木奴千絹問湖北湖南米價新來貴賤楚船青雀吳船赤馬一
水籤程好算得歸來尚有田園不愧詩家素澹

鳳池吟 上元村居

陰過新年寒餘舊臘時序取次侵凌漸人家門巷紫姑神降閒卜豐登柳又誇
腰東風拂檻弱難勝水村烟市一番晴意融盡殘冰 城中父老歸晚說曉來
微雨不礙張燈笑亂餘景物昇平故事小縣還仍可惜溪橋梅花無主月空凝

黃昏淺料玉龍哀怨難憑

臨江仙

北山寓樓與宋梅知夜話

霜雪長途君勸矣遠遊吾計忽忽兩萍浮海偶相逢茶烟禪榻行復幾時同
漏轉城頭春夜永小樓缺月疎桐燈花何喜也能紅亂鴉棲後數盡北征鴻

瑞鶴仙影

客舍咏燈花

一枝鮮潤蘭膏裏蠅頭紅蕊初著戀他短檠悵悵不動爲誰的爍蘆簾紙閣聽
不了風鈴風鐸問何如高燒銀燭筆柱鞦絃索方便煩憐取欲別還停任教
開落不如儂意只尋常照人淹泊遠信無憑浪傳與屋頭雙鵲趁沈沈細雨春
夜動春酌

八歸

寒食塘西道中與張介山別

梨粧欲試杏泥未和芳訊饒半落後踏青共指長橋路且喜討春舊伴近隣都
有籬落青旗書字大笑村店家家誇酒好趁取水泛茗西天氣弄晴候遙想
會城此夕花游一曲多少行人回首湖船猶冷風前雨外燕子未知歸否漸南

程催赴勝賞幽期惜分手知甚日粥香錫白散了新烟重來看插柳

減蘭 己未四月別家作

父書盈籠手澤猶新何忍讀也要頻開卷帙須防飽蟲來
阿奴碌碌門戶全
生難免俗莫便如儂氣沮妻孥入口中 仲弟

依依弱弟歷齒垂髻憐叔季孟去天涯仲氏殷勤卽汝師
小時了了滿望長
成頭角好玉樹庭階添取新陰待我回 三四兩弟

再三憐汝蚤歲無娘今喪父慚媿稱兄忍聽閨中夜哭聲
練裳竹筥量力行
看他日事此別經年慰藉飄零仗嫂賢 小妹

白邊相杵我爲長貧還累汝催上鳴機又替征夫製夾衣
蹉跎生計浪走風
塵非本意不爲封侯怕被人呼馬少游 內子

明年十二典謁可能陪客位嬾惰無端失學從渠正可憐
文章何用却望家
風留句誦勿更嬌癡夜枕晨餐恃母慈 庚兒

多年隨我戀主青猿情亦頗臥犬籬根也似痴頑免應門
閒中日課掃地澆

花無不可留片蒼苔莫被羊牛踐踏來

老僕

臺城路

初有江漢之役朱日觀王子穎桐村祝豹臣家西崋叔德尹第眉山姪追送於朱與三表兄村莊席上賦別

無端遙指西南路驪歌棹歌難理萬里瀟湘河涓一夕說甚才情綺麗萍蹤如

寄望楚尾吳頭浪花無際屢改行期多應依戀為知己 銅盤燭黃初膩乍杯

闌氣熱合座成醉殘月流空曉星當戶一片離愁頓起天涯情味算只有清風

故人相似遠信毋忘時時煩附鯉

木蘭花慢

端陽前二日程禹聲徐淮江錢飲南湖舟次兼謝別愈右吉先生

迤迤生浪態明鏡裏寫樓臺正競渡中流綵旗颭灩畫鼓喧逐離筵恰逢此節

愛登梓鄉味近黃梅白白王餘入饌青青昌歎浮杯 碧苔牋楮親裁句好勝

金釵

時欲邀妓不果

道擊楫舟中彈箏車上猶有人才旁觀定應見晒感先生勸我盡

餘醅京口且乘潮去武昌曾為魚來

臨江仙

平望驛

兩岸菰蒲聞笑語人家只隔輕烟銀魚曉市上來鮮一湖鶯脰水雙擲燕梢船

屈指郵亭剛第一眼中長路三千南風吹夢到江天故鄉桑苧外無此好山川

朝中措 夜遊虎丘

笙歌十里過山塘到寺已昏黃客散當壚酒冷僧歸別院茶香一奩止水一堆講石幾轉迴廊及取無多清景獨吟獨步何妨

百字令 楓橋夜泊

帆檣隱隱背孤城家指青山一髮樓櫓亭臺都過盡離了烟窩霧窟漁笛賣洲樵歌葦岸雲吐初弦月橋邊弭棹愛他風氣清越猶是夜半鐘聲今來古往過耳成飄忽可惜閒吟佳句少辜負青鞵布襪獨壘吟筇斜塘擊檣草草催明發照人無寐螢光幾點出沒

宴清都 過無錫風便不及泊遙望九龍在蒼翠間向隣舟分得山泉半瓶烹茶破睡

陸羽經猶記數水品江南曾占第二濃翠堆鬟空青抹黛濛濛雲氣好風吹送吳船甚失却登臨勝地聽杳杳幾杵疎鐘烟林正擁山寺百弓割片茶園生

涯飄泊談何容易銀瓶金井夢中空想轆轤聲起五湖者番遊興賴吹火烹泉
有此把宜壺淨洗供春絕勝吳家買婢

供春吳頭山婢名始製宜興茶壺俗以爲龔春者訛

玉漏遲 夜過毗陵

微涼乘小雨朦朧殘照尙含輕霧楊柳風多新月又生南浦正是落潮時候有
人在沙頭搖艫相傍去鄉音互答愛聞吳語 已過七里郊垵聽茅店呼燈漁
梁爭渡去江漸近警急猶傳列戍欲問隋家故苑知十六離宮何處城外路黃
昏角聲如訴

帶人嬌 丹陽道上

鴨嘴咿嘔羊頭輕轆人道是朱方古陸黃泥幾坂清流幾曲烟起處更添幾椽
茆屋 地少江南雲寬江北眇不到長天遐目官田放馬民田放犢願微雨村
村稻鉞抽綠

水龍吟 登北固山

岷峨雪水消來洪濤萬里從東注蒜山擁髻瓜州曳帶遙遙江步滿眼興亡季

奴草長人來古渡看南颿出口城頭蘆管盡飄向揚州去
泥馬當年半壁更誰暇倉皇北顧錦袍繡甲英雄事業却輸兒女夾岸黃塵滿瓶名酒中流畫鼓到而今贏得登臨悵望渺平沙樹

滿江紅 京口曉發夜泊觀音門外

空闊江天到此地覺吾身小寄身外蕭然一笠飄然一櫂鐵瓮城高鏡吹動金山寺近鐘鳴蚤把滿壺細酒京口酒名酌波臣開懷抱 日上處東方曉帆挂候西風飽儘迢迢極望白門斜照兩岸山移倒退馬千層浪逐前飛鳥比下灘出峽順流船兼程到

永遇樂 燕子磯同韜荒兄觀劇

陡起千尋嶙峋突兀濤吞萬古晚景融怡編郎却指日落波平處蘆洲一帶柳堤數折人與鳧鷗並住還怕向絕頂憑凌沈沈愁滿烟霧 隔船遙聽哀絲豪竹月影朧朧輕護村落難尋微風吹遞近轉磯頭路開元弟子郭郎賀老剩想衣冠南渡也抵得商女歌殘淒涼玉樹

解連環 訪周雪客於汝南灣不值

大功坊下喚涼篷艇子撐入圖畫過水亭面面扶欄想人隔荷風坐消長夏楊柳灣洄問徧了三兩鄰亞道水西門外載酒載花別築亭榭 當時櫟園官罷便手掃棠陰自闢精舍愛儒雅又到諸郎算裙屐風流肯輸王謝舊熟才名何必更十年同社還只恐吟成白雪調高和寡

滿江紅

輓胡二寄先生

蕭瑟崢嶸先君子舊曾遊地腸斷是麻衣入拜纒帷仍几

出周禮疏

九土難埋漂泊

恨一棺竟蓋飛揚氣問茫茫七十五年來天何意 亡國夢秦淮水懷舊賦山陽里甚後生前輩無情有淚對此江山堪一慟如先生者今餘幾但陶家門外白楊風蕭蕭起

前調

胡震生索贈

白鷺洲前芳草展滿灘新綠舊來是南康幾葉一枝片玉手種東陵瓜五色眼看度索桃三熟嘆過江人物柳吹綿飛相逐 兒女怨清溪曲男子恨新亭哭

剩輪囷劍膽酒邊棖觸八十高堂行尙健六千君子今誰屬指長江如練去吞
天鍾山麓

渡江雲

蔡璣先鉉升兄弟招同王璞菴胡震生泛舟秦淮席上分調

人家垂柳亞水蒨花放簾卷落潮天岸容隨棹轉碧檻紅闌佳處互洄沿時光
縱好奈撩人滿目山川把一幅烏絲欄展同寫入新篇 尊前故鄉在望七十
長亭問離觴幾遍還又傍荷陰壁藕葉外聞蟬斜陽帽影微風袖知後期更落
誰邊欲別也河梁錦纜重牽

邁陂塘

飲胡星卿先生白鷺洲荷亭上

繞名園滄泓淥淨白蓮鏡裏開合檀橋西岸清無暑迎面香來恰恰烟景豁望
不盡城端山色林梢塔移來小榼喜蘿薜侵衣葫蘆貯酒觴政罷秦法 渾忘
却舊日朱門邸閣沙田十畝環匝柴籬近與隣翁接鷗鷺馴如鵝鴨泥滑滑任
急雨催詩飛去無多霎芒屨醉踏正蓼外潮平花西月到歸路聽鞦韆

安公子

題余鴻客杏花村居是日品茶而不鬥酒填詞紀之

幽絕城南墅女牆一曲當環堵門外綠陰陰乍合啼鶯選樹障扇驅塵剝啄尋
常去爲新茶偶爾留人住正小年平半日影婆婆停午少日誇豪舉近來好
事猶如故無酒須酤也不費茅容雞黍直愛君貧雜坐忘賓主借玉川七椀爲
談麈看清風出屋洒作竹梢涼雨

應天長

蔡龍文招同方邵村侍御吳待觀孝廉胡震生王璞菴家韜荒
集懶園席上分調兼示令季五玉

舊時歌管地想丘壑閒情謝傅曾寄江左風流遇末封胡又起百年花木秀數
不到平泉小記算只有桐梓樊家芝蘭袁氏羨爾好兄弟問第五名高何如
驃騎永日碁聲翻盡楸枰餘勢便長安似此但對酒厭談時事既醉也畫舫斜
陽柳邊還樣

八聲甘州

送王璞菴入山左戒幕

怪相逢何晚又蒼茫千里動離愁聽一聲畫角滿城落日客散江頭杳杳天低
鷓沒西北是青州淮水新來淺馬渡中流見說舊年山左正塵荒古驛草占
平疇喜傳來好語五月麥先秋若天心肯憐赤子且從他賣劍買耕牛官居暇

劉郎雄概好臥高樓

樓中天

發金陵王汾仲胡震生追送于江干留此志別

揚舲欲渡正吳天六月江流怒漲昨夜酒醒今日別起喚炎風五兩潮嚙空洲
雨來高岸一片蒹葭響山川如畫殘樽重此相向可奈芳草東西浮雲南北
去住都無狀珍重臨歧留款語只要毋忘疇曩知有前期難分此夕遮莫勞長
想有書好附紅鱗白鴈還往

滿江紅

野泊卽目

牛渚西來三十里平蕪極目趁幾箇艸艸相約翦江同宿沙際昏闌窺白鷺槐
陰邃晚歸黃犢喜無名小聚自成村清流曲籬缺處門栽竹烟起處蘆編屋
早映檐一帶野田新綠微雨去添峯頂翠好風來皺波紋穀更依依飛鳥帶斜
陽投姑熟

驀山溪

天門山又名峨眉山

曉江寫鏡兩道峨眉展別浦翠生烟與染就黛螺深淺三竿日上宿霧欲消時

風力軟遠帆移百里看猶見 當年太白傑句曾傳徧氣象吐長虹最好是天
門中斷眼前光景同此一經過問作者更誰與俯仰才何限

浪淘沙

繁昌舊縣

略約傍蒼葭酒旆天斜縣南風色野人家黃石堆牆茅當瓦還占平沙 烟外
曉程賒去去天涯巖城何處不吹笳恰似廢池喬木畔一一啼鴉

碧芙蓉

望九華山

參參伍伍倚翠屏千仞芙蓉碧聚微陽初逗幾峯見日幾峯還雨浮嵐擁靄青
不斷池陽路乍前頭秀偈人來被長風猛送帆去 擬向遙空攬取把玲瓏一

壺貯怕仙人掌上九女鬟輕幻成烟霧讀罷青蓮句問東道今誰爲主拚盡日

閒倚船窗舉頭數了重數

九華今在一壺中白雲穿透碧玲瓏皆蘇東坡句王介甫望九華詩峨然九女鬟爭出一鏡奩李太白望

九華贈韋仲堪詩君爲東道主于此臥雲松

南浦

皖口舟中

吳楚此分疆瀉中江直到長風沙觜潮滿浸青山澄如練隱隱魚龍欲起南城

飲馬北城吹角蒼煙裏萬井樓臺連埠坳俯瞰渾疑無地
霞標古塔層層控巖關閱盡舳艫千尾美滿挂帆風朝來便又送遊人過此湘天尙遠亂雲生處
浮濃翠喜近大雷西岸望□一點小孤如髻

點絳脣

雨後泊李陽湖

鼎鼎空江釣絲風起漁灣暮春勦飛去幾點沙頭雨
過盡輕雲忽見晴霞吐垂楊渡亂峯缺處回首來時路

燕山亭

月下聽隣舟彈琵琶

水闊山長二十五絃清怨不勝迭奏何處飛來一派秋聲颯颯驚沙洒袖喚起
愁心向曲浦移船相就還又問截取曹綱是誰妙手
忽然裂帛聲終正雨止風收碧天如晝月絀漸滿漏箭頻催人間幾人回首楓葉蘆花便似潯陽江
口邂逅傍若箇迴燈添酒

長亭怨慢

過湖口追答俞大文兄弟

論要害西南鎖鑰萬馬奔騰雙鐘噴薄湖波橫截孤城勒住亂山脚烟消日落

倒影動千家郭下有一雙魚曾傳與故人夙約 寂寞嘆我經此地恰值機雲
入洛閒尋遊跡空悵望幾重雲幕把兩年別裏新詞半題在江聲小閣待掃壁
來看應憶南飛烏鵲

渡江雲

六月十五夜同韜兄琵琶亭對月沽酒不可得填此解嘲

烟波三十宿一輪鄉月兩度向人圓洞庭西上路弱柳江頭旋換白門船天涯
淪落泣青衫司馬誰邊漫留得琵琶亭古冷落四條絃 依然流分九派劍指
雙峯嘆荒涼滿眼便擬博兄酬弟勸醉也無緣前生定入東林社知後期重結
何年征夢闕白雲回首江天

長亭怨慢

武昌縣西道士泐亦名西塞山絕壁臨江上有張志和祠按
西塞山在吳興唐書張志和金華人顏真卿守湖州時志和
來謁願浮家泛宅往來苕霅間踪跡未嘗入楚也陸放翁入
蜀記云卽玄真子漁父詞云云者第未詳考耳

浮空欲翥翠色移來正扁舟翦渡一峯忽轉黃冠形狀迎人似俯殘霞紅斂送
幾點神鴉飛去指前頭隱隱孤城已辨黃州烟樹 磯邊小作遲留向香火荒
祠笑問漁父鱖魚肥美算只在苕霅溪山深處生前好事多著了清吟幾句又

分得西塞山前別派斜風細雨

臨江仙

漢陽立秋

楸葉翦花桐落子半年節物旋更湘裙紅映漢江清擣衣人去浦口暗潮生
斗柄西回天在水家家暑退涼輕數聲促織近窗鳴二更月落燈火已多情

河瀆神

桃花夫人廟

霸國好山川夕陽平楚蒼然洞門王象閉嬋娟露桃開謝年年 至竟息亡緣
底事花並樓中人墜千古消魂都似此細腰宮又何地

驀山溪

玉沙暑庭有菊數本課僕除草編籬以護之亦知花時未必留
賞聊以習奴輩之勤爾

階除荒菊刈草還成圃天意却如人便添洒夜來疎雨竹闌干外翠色曉葱蘢
秋未老露初濃誰識栽培苦 年年九日籬下曾期汝拋却故園叢又坐閱歲
時荆楚西風有信獨客去無程霜降後鴈來時自有黃花主

虞美人

乍涼天氣清于水漸近中秋矣玉鉤素手兩纖纖指與畫樓西角月初三 王

昌只在牆東住消息憑何處半年清夢落天涯今夜一燈明滅忽思家

臺城路

自到江陵三得王桐村書感其勤倦之意填此奉答

來鴻去燕綿綿路驚心二三十里骨月無多平安却賴六六紅鱗頻寄吳霜初
試想橘瓣分苞蟹螯斷跪穉村邊柴門相望老兄弟謂子登高却當此際
長江遙極目何限雲水沙市留詩旗亭畫壁誰管渚宮故事蘆花風起正鼓瑟
人來數峯銜翠渺渺知音滿懷空憶子

前調

妓席作

犀帷乍卷佳人出夜堂靜悄悄地兩板紅牙一枝清笛傍有盧郎偷倚歌頭酒
尾漫博得當場厭厭微醉爾許風流烟花南部與聊寄座中年少凡幾是誰
先感嘆家隔千里珠箔飄燈紅筵奪目惱亂江東蕩子天涯失意倩半幅羅巾
搵將清淚檐雨瀟瀟曲終更漏起

賀新涼

秋晚獨上荊州城樓

飛過蠻天兩背孤城夕陽西下大江東去虎渡龍洲依然在長是馬嘶日暮有

獨客登樓懷古豚犬英雄都不問問成名孺子今何處秋太晚散砧杵山川
洵美非吾土向江陵袂衣催換一番寒暑翠冷紅酣微霜後變了荆門烟樹且
目送邊鴻南度隔岸殘雲流欲盡指空濛下是衡陽路愁浩浩共誰語

氏州第一 與韜兄江陵分手久不得武陵消息近傳已赴南昌幕府因
便寄懷

木末霜催風信乍緊龍山別酒曾勸路指桃源小船壓浪安穩過湖眠飯峒戶
燈烟滿底處覓秦人雞犬譜首新詞竹枝聲裏蠻語倘變 客况蹉跎秋晚晚

盼消息魚沈素斷聞說東游滕王閣下趁一帆風便念孤飛何日到參差翼江

湖定倦應記蘆花舊時羣有 襯 爐峯小鴈 小鴈過爐峯李長
吉寄小季詩中句

木蘭花慢 雪後再登龍山落帽臺

暴晴冬候變晨旭暖凍痕開趁雪洗荒郊馬蹄躑躅不起纖埃前遊菊枝初綻
又蜀江寒碧接天迴遠客豈期再到閒僧及記曾來 生涯落拓情懷餘悵望
費徘徊諒戎服參軍旁人應笑知己猶猜風前偶然落帽也何妨借酒寓談諧
便作此鄉故事一堆土阜名臺

夢橫塘

題城南田老齋壁

鵲巢門巷老樹低牆映簷一帶城雉三逕頻開俗士駕尋常不至雕斛栽花瓷
盆養石滿欄蒼翠愛微霜初度濃日猶溫都未有殘冬意 楚南風物無多剩
何參老去能談往事清景依然只難得閒人如爾擬約箇酒徒再到想見梅邊
雪翻蕊洗研求題嘗茶看畫與重揩棊几

拜星月慢

夜渡荆江時官軍初下湖南

霜壓疎篷水銜柔艣虎渡晚來催喚刀尺寒衣急砧聲不斷孤帆色漸入西南
天地背指江橋酒幔第一籤程報公安小縣 記今宵旅宿辭津館清無寐勸
枕惟長歎幾番起視婁氏泛中流纔半漸微茫月墮楊潭岸湖天闊燐火如星
燦又依依移過前灘起一行驚鴈

楊潭岸在荆江
見岳陽風土記

驀山溪

冬杪留市道中

冰開平澧輕浪參差起樹杪一峯晴映極浦蒼烟小市長竿曬網晝裏著漁舸
風澹處雪消時好景江南似 亂餘雲物不料還留此過眼惜匆匆指前路又

侵亭燧

時聞禁旅
尚駐辰州

白雲回首家在五湖東
湘渚鴈洞庭魚會我南遊意

齊天樂

庚申武陵立春

綠蘋兩岸晴光轉
關心乍聞綿羽樹掩蠻旗
草迎塞馬冷落滿城簫鼓
寒梅未吐被橫管聲聲催
開最苦南陌東郊有誰結
伴討春去
當時賓客遊處蒼苔
閒尋徧猶記題句野竹遮
隣山茶出屋此景眼前非
故蕭條如許
鶻鷗鳥灣洄幾家還住
及泛扁舟水生挑菜渚

前調

元夕

春來天氣不長好
已經幾番風雨柳態將絲
燒痕猶黑未辨青鞋遊具
良宵三五對燭影搖紅
缸花細吐遙憶家園隔年
燈下小兒女
當時舊踏歌路聽十
番大小拍徧南部村酒柔
情隣姬索笑都是夢曾遊
處楚南風土但月黑軍城
棲鳥匝樹還有樓頭鼕鼕
傳漏鼓

徵招

得外舅陸先生都下書

陂湖萬古浮烟地
光風這回流轉碧水上
蘋魚迨春冰初泮
殷勤傳信到喜白

髮加餐猶健勝友題襟舊交結襪歸期荏苒
應念楚天遙開絨處人在洞庭
西岸鄉思與離愁縱急觴難緩我來幕下翁留輦下總非始願幾時共情話田
園對窗燈一盞

邁陂塘

得威鶴江書兼寄文可上人

憶離筵綠醪紅燭黃頭入饌新饜滿湖烟月歸人醉催解荷陰弱纜波瀲灩笑
食宿程遙多傍沙頭店長魚似劍每對了南烹便思鄉味此意肯忘斲誰更
念青草瘴生寒斂蠻禽啼近山檻傳來懷袖加餐字慰我萍漂梗泛差不憾想
還往風流二老年來占紗幮竹簟問醉裏逃禪吟邊聯社別後興增減

珍珠簾

早春寄弟

何心遂作周南客煞等閒暗把年光拋擲路已蒼蒼況阻湘帆楚驛笛裏梅花
飄欲盡最難禁冷猿濕雪脈脈正黃昏愁坐一番憶別咫尺家山不隔喜池
塘佳夢來依今夕南畝共巾車向草烟牛跡到此始知田舍好悔鞍馬江關跋
涉役役唉逡巡歸計幾時纔決

朗州慢

余來武陵當兵燹之際觸目荒涼邈劉賓客之舊遊悽愴憑弔與姜白石追思小杜寄慨略同因和其自度揚州慢一闋以見意用其韻而易其名亦猶春霽秋霽之不改調云爾

珍傲宋版印

屈子亭荒隱侯臺廢沅江苦霧難晴聽鷓鴣叫處又春水初生問仙路紅霞遠
近匆匆花事愁滿刀兵但烟扶殘柳馬鞭青入空城風流司馬向詩篇都寄
閒情有曲度南音采菱歸晚白馬湖平併入竹枝歌裏遊人去流盡灘聲念劉
郎前度也如杜牧三生招屈亭隱侯臺見劉集中采菱曲竹枝詞皆其在朗州時所作

武陵春

泛小舟渡沅江尋梅

城外清江江外草草色已迎船人在煙波揆靄間渡口夕陽山隔岸酒帘招
我去春意在漁灣醉插江梅帽影偏攜得一枝還

木蘭花慢

季叔將往辰州以佩刀奉別

書生緣底事都草草學戎裝望盤瓠城南馬頭塵起邊日無光舊來橫磨一劍
知爲誰拂拭爲誰藏縱使長騰紫炁肯教輕露寒芒臨岐把贈意偏長對此
兩茫茫悵缺底歌殘環邊約負人老蠻鄉家園五千里外好換牛買犢返耕桑

留向雞豚春社談諧割肉何妨

昭君怨

江樓偶題

風去波紋簇簇嫩柳嬌鴉新浴樓外晚晴天好山川一派空濛影裏漁唱乍沈還起歸興滿江湖得歸無

門百草

上巳武陵西郊閑游有懷東亭又微聲山諸翁姪

甲子冥冥半春飄雨無人管及取新晴袂衣禡疊一領輕衫催換小城西有柳
胥漁罾水平花堰正馬渡中流鳧汀嫩綠鷗波清軟猶記杯浮曲渚草踏斜
川幾處追遊約吟伴去每攜衾來多聯袂向斜陽參差影亂如今但齊合沙田
人不見湖南岸對桃開俄驚春晚

掃花游

清明後一日再游枉山與山學禪師茶話

去城不遠被野趣招人路迴峯起幾家桃李並隔花姪姹高鬟相倚弄袖風來
好片踏青天氣算多是夢後韶光眼前詩意遙指方外地有白髮閒僧蕭然
孤寄前遊省記正殘燈急雪梅粧初試轉眼春深又和葉摘將青子茶烟裏聽

鐘聲再尋山寺

邁陂塘

送楊粲英往湘潭

乍雲開琵琶峯頂撲人嵐氣濃暖桃花水汎清明後翠轉湘帆一面風色便指
六六蒼灣突過川程半新烟兩岸喜鮭菜旋通舟車不隔行子望江縣 封侯
事三載未酬初願却從鬧處閒看山川洵美非吾土贏得將軍善飯君莫嘆漸
髀肉生來雙掌摩挲徧長沙米賤好壓取歸航擣香炊玉爾汝互相勸

南浦

次張玉田春水韻

風澹日濃時寫渟泓映徹鏡奩春曉含意待流紅揉藍淨一抹沙痕輕掃浮萍
開處依依傍母鳥雛小遠浦柳陰魚欲上已接船頭芳草 殷勤流下三湘倩
并刀與把半江翦了汀澹小灣洄苔猶濕想有滌裙人到閒情深淺舊聲舊耳
聽來悄試問西陵橋畔路知遊舫新裝多少

氏州第一

立夏

風雨蠻天節候無準熟衣重御初夏燕未將雛鶯初喚侶何處故王臺榭好景

難拋也第一是橋邊柳下幾顆朱櫻半甌紫筍客中瀟灑 見說耕犁行已駕
乍添種離離桑柘近水人家舍南舍北正蚤蠶浴罷想一聲啼鳩到茅檐外蓄
薇應謝計日晴邊綠陰成重來繫馬

安公子

寓庭芍藥一窠花垂放矣余將理沅南之棹不及待其開留詞
別之

初見叢添蕊小欄一日千回倚風信參差屈指到今番第幾冉冉韶華漸入青
春尾人欲別試問花知未聽粟留啼處也喚將離兩字 明日吾行矣等閒負
了揚州紫蠶栗梢頭風物料依稀相似可惜開時少個狂書記咲眼前緣淺猶
如此更休論此外載酒尋詩何地

滿江紅

內子三十晬辰寄此爲壽是日在桃源舟中

咫尺仙源何處問雲中雞犬剛一笑舊年三十流光轉眼萬事無如儂失計一
家只要君長健把江湖好語報平安加餐飯 天四月江南畔初夏景村居滿
正鳩鳴榭熟野蠶成繭繞膝憐深兒女拜傷心憶侍翁姑宴料愁邊窺鏡旋添
絲歸來見

滿庭芳

從住灘步行渡朱洪溪

雨送微涼客貪緩步意行稍轉灣
漲到天古木藤老葉繇蠻野果
枇杷初熟繁枝重獺鳥爭攀
窺人過一羣驚竄石上墜御殘
前山尋不到泉聲落礮響珮
鳴環便褰裳欲涉冰去足生寒
忽展黃雲一片秧田外雉尾堪
刪重循省霎時光景偷入畫圖看

醉太平

船溪驛

山行澗行風程兩程紅榴小驛
初晴報前岡路平溪田碓聲
畚田火聲煩他布穀催耕指烟
綿草青

浪淘沙

楠村梅花橋佛閣小憩

欄檻落鮮澄倒影分明今來古往
一郵亭閣下長橋橋下澗馬渴
泉清拉沓是蠻程難得佳名
成人行盡野人行如此溪山
留不住弦月旋生

好事近

麻陽同天寺僧房

暝色起孤城烟外千峯俱淡
竹几藤床紙帳有新蟾來
瞰山椒一夢已如仙

歸路去時暫約略蘋花小港棹微波潏潏

南柯子 初入麻陽溪

漱玉風生頰跳珠雪濺肌
船截浪去如飛絕勝馬蹄泥滑汗頻揮
山鳥飄

紅帶溪禽浣翠衣
只除夾岸酒樓稀宛似西谿留下櫂頭歸

摸魚兒

遣家信紙有餘幅書此足之

自依人青油幕底征衫再換涼燠吳雲郢樹微茫外
萬點黔山高矗憑短目眇不到西陂荷柳東橋竹
濃陰淨綠想香澹風漪塵清苔砌暑意減新浴
凝情處應諒歸期難卜炎荒馬首人獨匆匆
埃館斜行字手擘藤牋小幅書未足補一闕
新詞架筆挑燈讀客懷不俗料遠信來時鵲靈最蚤
爲我報茅屋

臨江仙

銅仁郡閣雨望

暮暮朝朝多變態偶然一露晴輝孤城四面萬峯圍
卷簾何處雲重雨飄絲
梔子坪邊新漲急鷺鷥立盡空磯
麻陽欸子綠蓑衣白魚三寸江口販鮮歸

花犯

石榴

是何人移從西域幾時到南土依山傍路映絳萼丹華高下無數眼明我是紅

樓主幽遐同恨阻最苦是繞枝啼血對花聽杜宇元微之感石榴詩非專關

心節物記吳孃匆匆曾過了那年端午窗近水人正在綠陰陰處傍偏髻一痕

微逗映小朵珊瑚籠繭虎而今向蠻中重見紅裙誰妬汝唐萬楚詩紅裙妬殺石榴花

瑞仙鶴鳳仙花

參差開也得看孃孃娉娉垂垂滴滴多般鬥顏色任張家呼婢章家稱客小庭

南北細飛來丹禽一一向天涯似慰羈愁與媚煙朝露夕 幽絕苔茵稠疊落

瓣無多寸心易結好風披拂草蟲蕪蕪飛出愛佳名合作女兒憐取旁人未許

偷摘微嫌他指染紅尖和花擣葉張文潛詩金鳳乃婢妾紅紫徒相鮮本草韋君呼鳳仙為羽客劉貢父詩輝輝丹穴禽嬌

嬌翹翎展宋光宗李后名鳳宮人避諱稱為好女兒花楊鐵崖詩夜擣守宮金鳳蕊十尖盡換紅鴉觜

蘭陵王

安丘劉丙孫故相國少子也風塵天末來宦元州與楊中丞有通家之誼銅仁郡齋共數晨夕知薄宦非所樂也因用其扇頭舊韻填詞贈之

楚天杳奈此山頑石老泥活活苦竹岡頭愁度露猿萬松杪鴈飛真不到馬足

羊腸空繞更誰念釋屣從軍中有劉郎正年少
滑稽何可少嘆相國流風于今頓邈衣冠
只博搖頭笑便東華夢隔西華交在一官
爭抵歸去好君聽子鶴鳥懊惱亂懷抱指
平野青徐浮雲海嶠扶桑日上雞鳴蚤甚
登臨回首每當西照鄉關一髮目己斷青
未了

前調

贈吳鴈山次前韻

絲路杳人向此中易老望銅崖袞袞山尖一握孤雲起天杪歸飛何日到烏鵲南枝頻繞角聲慘戰地相逢自嘆臣今不如少君才時所少喜通介如常舊來徐邈人情爭滿淳于咲問眼中桑海胸中壘塊半生知己赴誰好依依失羣鳥煩惱休縈抱有短檝長鑣釣江吟嶠勿嫌白髮盈頭蚤只無多髻影鏡邊羞照西垣斜日夢裏事猶了了

木蘭花慢

七夕江口舟中作

晚程西冕路深崦裏著扁舟看薄霧成雲片雲成雨一雨成秋推篷坐聽餘滴漸輝輝紅日下蘆洲似磬涼蟬到耳如梳新月當頭

白香山詩巴蟬聲如磬

灘聲東瀉

火西流佳節客難酬憶賞酒湖亭曝衣村巷吹笛江樓孤萍近來蹤跡擬乘查
碧落問牽牛獨夜飛飛烏鵲五溪渺渺鳧鷖

百子令

八月十五夜銅仁坐雨有懷德尹潤木

良宵清景莽回頭鄉社年年三五碧海纖雲都斂盡空外涼蟾飛度蟋蟀柴門
豆花籬落豔豔疎燈吐兄酬弟勸中庭好片風露 一自隻影南遊十分圓月
不照蠻方路萬事干戈揮手外詠罷微颺桂樹半嶺猿休極天鴈斷坐聽瀟瀟
雨此時離恨燭花對客能語

前調十六夜見月疊前韻

狂雲妒月甚無情掩却盈盈十五賴是今年秋帶閨還有中秋一度二八清光
隔宵晴意不料團團吐移來牆角疎桐猶滴圓露 誰似太白詩豪相邀對影
同此天涯路我欲舉杯餅已臥拚得不眠倚樹椒館蟲吟竹門風過靜聽翻疑
雨沈沈永夕素娥相傍無語 李長吉詩吳質不眠倚桂樹

鵲橋仙

庚申閏中秋

天高露冷一輪山月又是十分圓候平分節序屬中秋問今夕可平分否
桂
叢香過菊叢香淺省對新花殘酒若教餘閨帶重陽算此會已登高後

臺城路

浦市別宋梅知並簡故園諸子

黃花黃葉沅南岸相逢便經揮手浦口羈帆尊前新月此會他鄉難又踟躕搔
首羨獨木船輕歸程易就我亦思歸客中送客拗楊柳 舊交屈指某某感因
風寄訊書疏都有離緒紛紛報章草草此外儘煩君口多能記否好爲我殷勤
徧傳良友預想挑燈故園他夜酒

點絳脣

冬杪發銅仁晚宿松樹坪

醉別江城荒野宿投村櫂鷓啼日落茅店孤燈著 老馬迎風衣上霜花薄
天垂幕孤雲一握吹散咿咿角

清平樂

平溪道中微雪

深江薄雪人去清浪驛佳句巧從驢背覓此地何來此客 蠟梅香遞前山戍

旗插過烏蠻天末鴻飛不到傳烽與報平安

時官軍初恢復貴陽

洞仙歌 渡重安江

丹危翠險乍懸繩度索井底人從半空落有清江拖帶抹斷雲根天一綫兩面
奇峯峭削 英雄何事業飛鳶墮處拍岸波聲怒時作便策馬中流馬亦徘徊
行人去夕陽哀角料無分食肉覓封侯笑占夢無端誰如宋楫

食肉占夢出
晉書索統傳

金縷曲 清平縣

雪洗黃茅瘴掃寒空纖雲斂跡層巒獻狀縣小人稀餘三戶亂後偏留想像也
不負詩家吟賞錦市花場尋不到賸清平兩字仍無恙些個事動惆悵 行行
相見坡西望指前頭羊腸武勝塞笳悲壯屈曲欽崎高低路三十六梯難上煩
傳語百蠻君長但使官廉民復業便紅苗白爨吾亭障圖可按示諸掌

羊腸武
勝二關

消息 宿楊老驛

百里中途孤城小驛岡重巒復卓帽蒙頭青氈裹手暮寒猶觸微陽西墮趁虛
人散客與昏鴉並宿正山頭野火燒殘聽風過蕭蕭竹 舊家名酒憑誰買醉

零落低帘剩幅想雪水初添年時此際比舍新笏熟可堪回首六亭南北一片
荒烟廢麓更何時翠袖牽蘿重來補屋清平豆腐楊老酒此鄉口號

玲瓏四犯韜荒兄昔過黃絲驛賦二詞組織極工今來不無蔓草零露之感填詞寄之

風凹回鳶冰槽溜馬去來此路相左神傷離亂後事往逡巡箇征鞍欲停無那
問佳名最憐婀娜城北城南埃長埃短回首轉愁我 蠻孃憶當壚坐有蛛絲

迎面伴客燈火曹家碑背上好字思量過酒人一別紅顏散更誰把平原繡作

做擬寄和歸牋却匆匆未果白香山詩別後曹家碑背上思量好字斷人腸

敬業堂詞卷四十九

敬業堂詞卷五十目錄

餘波詞下

齊天樂 辛酉貴陽立春

先生已南選喜而有作

瀟湘靜 楊端木都下書來知外舅陸

西河 春晴借彭南陔吳鴈山登照壁

山佛閣

疎影 賦瓶梅影次張玉田韻

沁園春 寄祝朱止谿先生及吳太君八十雙壽

曲遊春 清明黔陽城外作
金縷曲 又何軒前芍藥一叢花時被

風雨摧殘而余所插瓶中雙蕊經旬始落一似有情相慰者戲填此調

點絳脣 雷雨初過小軒睡覺歸思忽生

二郎神 午日風雨殘酒薰人竟成薄醉友人索余題扇填詞應之

綺羅香 署庭七夕桂花盛放
瑤華慢 賦雞墪

拜星月慢 中元夜對月
瑣窗寒 中元後苦雨連旬薄寒中人

已似吾鄉十月天氣南方節候無淮如此

夢橫塘 得家信

水龍吟 賦霧淞

臺城路 壬戌新年黔中見燕

鷓鴣天 花朝晴出郭閒眺

曲游春 白櫻桃下偶題

唐多令 後園紅杏林檎二本今春忽

枯惟李花獨盛

驀山溪 又何軒前芍藥今年忽發並

頭一枝楊中丞屬賦

臺城路 二月廿九日黔陽送春

綠頭鴨 聽任小吏唱提水調其聲宛轉幽咽相傳明沐國公鎮滇時宮人

所歌者

滿江紅 送楊劍川罷官歸雲間

金縷曲 客窗初夏觸景思鄉

清平樂 初發貴陽

如夢令 平越道中遇雨

無悶 黎峨阻兵漫題旅壁

生查子 六月十五夜黎城坐月

臨江仙 立秋後七日自潯溪乘舟東

下

洞仙歌 過楠木洞舟人指點石上有

沉香船云是呂仙留蹟

臺城路 武陵換船自龍陽至長沙

瀟湘夜雨 長沙水檻亭為趙雲岑副使作

百字令

曉發湘潭由青草湖出洞庭看月

臺城路

登岳陽樓

長亭怨慢

壬戌九月十三日到家作

摸魚子

涉園訓別魏禹平

念奴嬌

贈別碧紋錄事

一萼紅

重過飛翠軒

渡江雲

禾城答華義逸見貽原韻兼

送其北行

百字令

徐淮江別後寄調有書記狂

遊之語次韻答之

解連環

紀夢

解蹀躞

接德尹武昌信知春杪已作嶺表之游

芭蕉雨

本意

祝英臺近

賦蝶和韜荒兄韻

離別難

寄書

河傳

秋雨

綺羅香

紅葉用玉田舊韻

新鴈過粧樓

賦菊用玉田舊韻

江南好

虎丘送朱子容六丈入都癸亥二月

霜葉飛

再得淮江書知美珠別落人手余時將有南昌之役旅懷殊耿耿

也

望江南

朝發景德鎮夜抵饒州舟中

卽事

又

珍傲宋版印

又

四字令

阻風鄱陽湖

綺羅香

南州官舍風雨連朝履安叔索題詞藁

金縷曲

彭蠡舟中讀外舅陸先生與聲山姪鴈字唱和詩卷戲填此調

邁陂塘

吳民則屬題秋浦歸帆圖用李分虎韻時由吳興學博去任

點絳脣

紅花埠道中

臺城路

京師送李分虎南歸兼懷令

兄斯年武曾

木蘭花慢

送曹升六舍人佐郡新安

齊天樂

寄祝魏青城憲副七十壽

酹江月

京城中元

一萼紅

積雨有懷竹垞時移寓古藤書屋

解珮令

聯句送趙秋谷歸益都

浣溪沙

聯句題張遠墨梅

春風嫵娜

游絲同竹垞賦限蛇字

百字令

為真定梁相國壽

前調

竹垞屬題歸耕圖次卷中原韻

太平時

奉和聖製立春

醉太平

甲申元夕西苑觀燈賜宴歸同揆愷功院長賦

邁陂塘 高江村宮詹屬題蔬香圖 百字令 樓敬思送盆菊賦謝

菩薩蠻 錢蔗山給諫贈女兒香一奩賦謝

疎影 同魏水村賦寓庭芭蕉 金縷曲 寓庭雜蒔草花有一種名秋

牡丹者戲嘲之 前調 盆池種藕有葉無花

醉太平 丙戌元宵 召赴暢春園西廠觀煙火

長亭怨 咏接院長家紅鸚鵡同孫松坪學士作

行香子 月下過佟陶菴學士湖上寓樓時隨 駕至杭

減蘭 題湖舫丁亥秋作 臨江仙 西湖秋泛

浪淘沙 錢塘觀潮 洞仙歌 戊子正月望後竹垞表兄送

余北行至南湖而別 釵頭鳳 重渡揚子江

探春慢 上巳偕楊晚研湯西崖周桐野沈礪房萬柳堂禊飲

減蘭 賣花詞 步蟾宮 碧雲寺僧房見盆桂而作

桂枝香 辛卯十二月武英殿書局告竣停免內直填此自嘲

水龍吟 次章質夫楊花舊韻

桂殿秋 題桂菊圖為友人壽

珍傲宋版印

柳梢青 從廟市買菊花二本白者先開黃者較遲半月戲嘲之

賀新涼 壬辰重陽前二日張日容招集城南陶然亭

前調 後二日蔣夔廣席上聽歌次前韻

好事近 自怡園聞鶯呈揆院長余長假將南歸癸巳四月

河傳 甲午春社作

漁家傲 題秋漁圖

西地錦 咏苔

洞仙歌 秦駐山頂石上苔長三寸許

上人呼為卷柏采歸養以清泉經宿莖葉展舒蒼翠欲滴因種之瓷盆
冬來彌茂本草所云長松當即此種也

點絳脣 乙未寒食鉛山道中遇雨

瑞鶴仙 武夸山下看道院製茶

沁園春 虎丘買水仙戲填一闕

前調 咏老年德尹以詩索賦

前調 蠟梅

東風第一枝 盆梅重放喜而有作

一翦梅 瓶梅

滿庭芳 半山舟中看桃花作

金縷曲

聞潤木第墮車傷臂填此寄訊

梅花引

壬寅小除夜與德尹分賦

紅娘子

咏雙頭桃實戲次沈房仲原

韵

鵲橋仙

庭前香櫞一本秋杪有春令

來巢踰旬而雛成適有所感漫填此闕

蝶戀花

入冬風雨盆菊離披折供案頭經旬色猶鮮好戲贈以詞

敬業堂詞卷五十目錄

詩集卷五十四

樂府詩入 卷五十四 詩集卷五十四

樂府詩入 卷五十四 詩集卷五十四

詩集卷五十四 王實小 蘇東真 翁氏 於 鍾

金龜曲 蘇東真 翁氏 於 鍾

敬業堂詞卷五十

海寧 查慎行 悔餘 齊盟人

餘波詞下

齊天樂 辛酉貴陽立春

東風兩度年頭尾
新春舊春如替雪
點湘蘋烟開湖柳
又看山梅到此蠻粧縮
髻待踏月場開
蘆笙旋起銅鼓聲
中青紅兒女且驩喜
鄉風處處都別歲華
頻改換只添憔悴
魚上冰鮮酒迎臘
白略似溪肴村味
貴陽魚似吾鄉鮮
脚酒似吾鄉臘釀
東君
有意感就我他鄉
依依萬里也擬郊遊
鞭絲誰共理

瀟湘靜

楊耑木都下書來知外舅陸先生已南還喜而有作

瘴南雪北千千里
感公子萬金一紙開
緘欲讀燈花剔了
又紅添雙蕊骨肉兩
飄蓬秋風便歸裝
先治多應偏臘到家
期近猶及看蚤梅未
悵望橋東學圃
草堂寒塵封杖几
先君老友惟翁健
在忍重來揮淚次第
慰家人定憐取天涯
遊子嬌癡剩有外孫
繞膝挽須問事

西河 春晴借彭南陔吳鴈山登照壁山佛閣

春乍霽漏天景色清美岩巒無樹可棲烟翠屏凝紫出郊未惜馬蹄遙舉鞭直
上歸碗 懷古意登眺耳程番今又何地風雲滿眼幾人歌幾人雪涕桑滄陵
谷兩無情危欄詎忍長倚 戰場草淺塵不起變青紅血痕初洗下瞰孤城井
底唉井蛙曾此跳平 梁只在夕陽邊鵲聲裏

疎影 賦瓶梅影次張玉田韻

便娟秀月寫橫斜牆角已是清絕傍我移來幾度端相欲折翻嫌難折膽瓶位
置看如畫特許伴燒燈冷節被燭光遙妬無端故向小窗明滅 宛似佳人空
谷亭亭還自顧芳意幽潔為爾傳神禿筆疎枝試與和花點出依稀林下相逢
處傍紙帳東風欲活憶孤山浮動黃昏曾掃影邊香雪

沁園春 寄祝朱止谿先生及吳太君八十雙壽

碧沼丹崖路繞蓬萊芙蓉小城自樊園種漆琴材並老帶湖栽柳鷗侶齊盟八
十年過八千年近猶記東山捉鼻情喧傳遍是文翁宦蹟杜叟詩名 簾前曲

奏瓶笙正春酒浮觴花外迎羨先生林下竹身瀟灑夫人林下梅韵幽清白首
相莊板輿閒處愛傍籃輿次第行時光好願長筵長侍兒子門生

曲遊春 清明黔陽城外作

故壘新烟起數蠻城春事初過百六一片郊垌但幾羣鴉噪幾聲野哭何處餘
喬木全未有遷鶯出谷只誤他雙燕歸來舊巢還覓茅屋 細草離離遠綠正

馬牧荒疇健閒黃犢豈少相逢奈踏白軍多踏青人獨誰唱巴南曲向天涯自

成風俗記取鼻飲三升鉤藤酒熟

踏白軍游微騎也見宋史蠻人以鼻飲鉤藤酒見老學菴筆記

金縷曲

又何軒前芍藥一叢花時被風雨摧殘而余所插瓶中雙蕊經句始落一似有情相慰者戲填此調

姹女粧成坐漸依依與人分

去

熟朱唇輕破斟酌穠纖相傍好同此連宵篝火

愛紺碧餘香惹唾十日吟牕留伴客聽藥欄猛雨花期過枝稍弱肯微鞦 尹

邢薄妬知無那還防他銅瓶力盡不風自墮天若有情應護惜把贈將離差可

笑寂莫何人似我曾向武陵筵畔看隔年詩滿紙無心和重對汝鎮愁臥

點絳脣

雷雨初過小軒睡覺歸思忽生

雨過空城輕雷薄靄千山暝飛蚊遶髻睡美軒窗靜
江上黃魚忽引東歸興

紅榴褪入番花信報道端陽近

二郎神

午日風雨殘酒薰人竟成薄醉友人索余題扇填詞應之

聽雨聽風驀忽地流光偷換誰能料者般客況南食今年又半蠻果枇杷偏遲

熟有撥刺銀刀入饌

都勻府產鱒魚

記馬渡清沅買魚配酒去年江館相勸中丞脫

略容參午宴也不用當門懸符結艾幸是把杯人健醉裏詞成拈須微咲且爲

旁人題扇剛夢隔一縷茶烟輕颺醒來靠晚

綺羅香

暑庭七夕桂花盛放

風色迴條露華流葉花候炎方特蚤小院飄香及取火流星曉憑玉兔半面催

開喜金粟一枝預報是吳剛妙手移栽流黃恰映錦機巧
高榆天上歷歷比

人間叢樹涼意多少顧影婆娑待月圓時也好想姮娥不耐清寒步羅襪盈盈

先到便從今暗數三開孤芳猶未老

宋人詩四出花中異三開格外芳

瑤華慢

賦雞墪

傍松似繖比肉非芝喜筠籠初糝肌分理細脆于瑤柱嫩于玉筍廚孃好淪觸
纖指微防輕損任清涎齒頰先流欲嚼芳鮮未忍 憐伊產自炎荒數陳家九
種圖譜猶賸人間雋味但風乾日炙封題遠信秋林雨過記竹下呼兒采菌便
吳鹽雪點羹湯那有者邊風韻

松繖出勞山肉芝見抱朴子九種菌見陳仁玉菌譜

拜星月慢

中元夜對月

素角烏烏女垣東畔圓月初生雲表斗柄旋回射西方參昂曲欄外滿地玲瓏
影動壓樹棲鴉纔到漸過黃昏又窺窗斜照 箕愁邊何限淒清調人無寐涼
意蟲先報此際誰不驚心只閒房較蚤念蠻中天氣晴時少團圞處忍負秋期
好喚棘僮卷起疎簾伴金波到曉

瑣窗寒

中元後苦雨連旬薄寒中人已似吾鄉十月天氣南方節候無
準如此

蟋蟀空廊梧桐別院逡巡暑退雨聲連夜不許新涼替代直隨他萬馬南來瘴
鄉氣候同沙塞把秋期變作做授衣時節早寒先戒 一帶積垣外有鴟鳴似

鬼雞鳴如晦空齋愁坐搦管讎書都礙況中庭橘未垂條孤鴻消息渺難待但

朝朝目送荒烟去作巖頭黛

夢橫塘

得家信

繩橋夢杳絲路人稀書來歲聿云暮寄到春衫嘆節序中更寒暑驥子聰明別時猶小今能憶父只家貧世亂大要憐渠慈母杖休輕與我行不爲封侯甚歸期屈指誤了還數績火蓬窗暗想到昨封題處誰知向雞聲絕徼孤館愁開夜深兩待不消魂一回對影也悲辛狂顧

水龍吟

賦霧凇

攢柯密箐層層朝來幻出公超市餘寒未減阿誰裁剪雪翎粉翅非葉非花疑花疑葉珠裝玉綴笑隋家新樣都將綺繡強占了瓊瑤地城角垂垂幾樹壓鼉廚蠻烟斂紫天公妬汝微陽院落瓏鬆驚墜入靜空階一聲清響鏗然到耳倩東風着力喚回舞態與扶頭起

曾子固霧凇花詩
舞人齊插玉瓏鬆

臺城路

壬戌新年黔中見燕

燕窩山

在城東見黔記

外春來也差池恰逢雙羽舊巷亭臺新年花草總付零笳斷鼓

安巢何處奈地老城荒并無佳樹小立茅檐飛飛鷺過短牆去尋常不記前
度甚來從海上歸路偏阻蜀霧吞江楚雲迷峽却伴烏蠻久住乾坤逆旅嘆我
亦依人未須憐汝遮眼鄉關濛濛人日雨

鷓鴣天

花朝晴出郭閒眺

屐齒殘泥冷乍消冷音另土語以霧雨後路滑成冰為冷快晴難得是花朝六千里路連芳草廿

四番風剩柳條紅犄犄紫姜苗亂山何處酒旗招鷓鴣聲裏遊人少啼過頭

橋又二橋

曲游春

白櫻桃下偶題

瘴雨長飄瓦改東風幾信偏滯寒色二月初頭見櫻桃一樹花頭漸白剛被晴
烘拆已便有遊蜂窺得勿嫌相對無情猶是上年吟客彷彿梨雲杏月覺香
泛南枝春陰較密占斷花朝勝寒食江南燕簾吹雪可有人憐惜是當時下階
曾折爭奈亂後風光斷無消息李長吉詩下階自折櫻桃花

唐多令

後園紅杏林檎二本今春忽枯惟李花獨盛

一種舊春風年時經眼同好花枝能白能紅曾被上番驗賞後蝴蝶夢忒匆匆
顏色等頭空孤芳賸此叢伴詩懷清許盧仝應有縞衣來叩戶人尚在百蠻

中韓退之李花詩夜領張徹投盧仝乘雲共至玉皇家

驀山溪又何軒前芍藥今年忽發並頭一枝楊中丞屬賦

頰顏怒拆變作嫣然咲淇澳有佳人一箇箇傾燕豔趙含情顧影相傍各低徊
曾妬否解憐無鏡展新粧肖 金壺勝賞絕代矜難老卍字小欄前問誰步春

風獨蚤佳名好換莫道是將離一覺夢兩娉婷此譜楊州少徐文長賦狂苞怒拆蕭子顯詩佳人

淇澳出艷 趙復傾燕

臺城路 二月廿九日黔陽送春

年年絕域春華改驚心這回較蚤唐帽山前襄陽橋外一片明波碧草尋芳事
了正翠駟人歸閒吹竹踞路指西南關城宛轉楚天杳 當時耀歌花館亂餘
留想像別夢繚繞紅袖當墟綠楊蔭馬底處曾經買笑時光縱好但為雨憐花
因風送鳥去已忽忽任他三月小

綠頭鴨聽任小史唱人所歌者提水調其聲婉轉幽咽相傳明沐國公鎮滇時宮

面如花畫圖樓閣神仙入侯門琵琶偷學未登狎客紅筵轆轤長胭脂井淺別
翻新調鷓鴣天三百年來故宮幽怨此聲今被棘僮傳似花底雛鶯調舌嬌小
又清圓歌頭轉一絲風細裊斷還聯 問人間幾回曾聽哀彈不用玄絃便司
空向來見慣也同司馬泪潸然我亦無端爲伊腸斷淒涼何況館娃年杯闌後
曲終夜半風雨到燈前疑有箇人兒擁髻愁對伶玄

滿江紅

送楊劍川罷官歸雲間

鳥道羊腸美最險無如作吏又何況烏蠻南角浪穹左臂髻底霜華官興嬾眉
間黃色歸心遂便抽帆到岸有何難能知止 九峯畔雲霞膩三泖外烟波細
是前張後陸高賢故里秋兔弦開樵擔月春蠶絲引漁竿餌問先生此樂幾人
同人無幾

金縷曲

客窗初夏觸景思鄉

地盡天連蜀聽啼鷓鴣幾聲催放四山躑躅看到此花人情倦翻愛陰陰夏木來

掩映隔窗棋局翠葉枝頭紅相亞儘殷鮮不受蜂須觸一顆顆荆桃熟露梢
添引光如沐只從他出堦成筍出牆成竹遊子新來田園夢長繞采桑隣曲鎮
邂逅村粧不俗插髻野芳風吹墮乍歸來微雨鳩鳴屋裙共草一般綠

清平樂 初發貴陽

莎衫藤屐陰雨霉天積晴路一鉤初得月門外馬嘶人別來時車牽閭闔去
時烽火平安咲問遠遊何事也如絕域生還

如夢令 平越道中遇雨

苦竹岡頭滑路郎馬來從何處行不得哥哥相勸解鞍且住杜宇杜宇又道不
如歸去

無悶 黎峨阻兵漫題旅壁

旌旆連郊鼓角連營井底孤城如陷咲萬里歸裝一囊一劍欲踏芒屨徑去奈
霧雨冥濛雲濃澹路難如此客愁正劇猥吟又慘誰念梗猶泛對亂石荒屯
亂山孤店為旅食年深易成秋感壞壁題詩好在記醉眼昏花燈明暗喜夜來

布被涼生已夢清湘裊纜

生查子

六月十五夜黎城坐月

青山淡欲無月到中天小却扇一襟風暑氣清多少
蘆壁吐燈光中有隣娃
笑明日二郎祠去約乘涼蚤

臨江仙

立秋後七日自潯溪乘舟東下

撲面風埃行倦矣急來照影清江
濺波激石勢相撞小船篙槳便穩穩下
驚瀧
預遣兒書報歸日到時黃葉秋窗滿
沽菊釀待開釭家山無限好蠟屐更添
雙

洞仙歌

過楠木洞舟人指點石上有沉香船云是呂仙留蹟

蒼灣一轉愛激波如鏡倒插雲鬢翠眉影乍洞移楠木船
指沉香仙路遠縹緲似非人境
晚來微雨過竹樹蕭森做弄秋聲入清聽
猛喚起塵機草草經過
負多少松梯苔磴賴沙鳥有情
伴人歸與並坐江心烟濤百頃

臺城路

武陵換船自龍陽至長沙

山窮水遠蒼茫外楚天頓開心目紫草灣洄白沙洲激都入郭熙橫幅家家農
牧已閒却人牛葑田早熟漁戶風烟插竿晒網出茅屋程程鷺眠鷗宿長年
能一一指似遺俗岸濶三秋湖平八月又轉清湘幾曲浮青剪綠趁細雨蘆香
沽將醞醪好卸輕帆古碑尋岳麓

瀟湘夜雨

長沙水檻亭爲趙雲岑副使作

螿石爲池移橋就砌多年結構纔成長沙風物官閣有園亭分取三湘別派波
光動簾額盈盈中秋對月應更好盃底吸空明笑先生愛客門庭如市宦況
彌清一片冰壺裏寫出閒情直把西湖比似也宜風雨也宜晴只少得篷舟一
箇同聽煮茶聲

百字令

曉發湘潭由青草湖出洞庭看月

江潭一棹趁宵來三十六灣秋漲二百里程高枕過席底平如掌上菰葉翻翻
蘆花漠漠日落魚吹浪天開地坼人間此境何曠屈指況近中秋敏舷歌罷
晚景尤清亮我本南遊無一事愛答榜歌漁唱湘渚移帆洞庭賒月俯仰應同

賞玻瓈忽動冰輪湧起千丈

臺城路

登岳陽樓

三年行盡西南路重來岳陽樓下宿霧占風晴霞辨兩巒態空濛難寫乾坤作
冷看萬象俱融鏡光東瀉一笛飄蕭秋心吹滿洞庭野 舊來戰塵初洗憑軒
休涕泗目斷戎馬遠浦沈烟輕舫點葉既濟風波翻怕琴高待跨奈地少雲多
魚龍未化剩有閒情坐觀垂釣者

長亭怨慢

壬戌九月十三日到家作

甚當日去家容易秉燭羌村夢猶恍惚不記飄零却憑兒女笑年月爲渠覓食
一笑蜚蜚負蹶傾倒薄游裝聊付與烟生燭突 咄咄山陽聞笛罷獨自心傷
存歿時聞右朝之變生還偶遂別中事逢人怕揭料柴門更有誰敲便菊徑從他蕪沒
好勤課童奴重理釣磯耕岱

摸魚子

涉園訓別魏禹平

放扁舟清風徑上此生快事爲最城隅一徑蒼然轉滿架朱藤高挂鶯語外正

人坐春風花被遊絲礙名園入畫記杯賭循環牀移曲尺佳夕鎮相對 留連
處却指離程如黛眼前光景難再更為後會知何地浪態檣形相背無可奈
去住行藏總被浮名絳還應自愛待挾妓春山尋僧秋社重與了吟債

念奴嬌 贈別碧紋錄事

尋春較晚人都咲小杜舊時光景曲港橋通門啓處翠柳紅薇交映喚起梳頭
慊慊猶帶中酒催花病有心絳蠟夜闌留照雙影 却是我未成名匆匆輕別
了翻嫌薄倖此意沉吟行復住不為石郵風緊明日回頭離烟恨水多少愁人
境問重來約叮嚀莫似瓶井 李嶠詩消
息似瓶井

一萼紅 重過飛翠軒

枇入杷園有翠禽飛出消息遞前軒柳外飄燈花陰籠月歸後略帶微醺剛博
得橫波回盼喜嫩約不負去時言來便重來拋人容易休似初番 為我迴身
幾遍道護他窮綺終自憐君高燭融銀沉烟續篆且與並坐黃昏也莫管漏聲
長短拚一度相對一消魂明日倩誰相伴水上瀟裙 戲用王建
宮詞中語

渡江雲

禾城答華義逸見貽原韻兼送其北行

歸裝何晚晚落帆天際雲樹及冬晴故人欣握手寄我新詞屬和到春城兩湖
烟雨鴛鴦外流水無聲又早是南檣北柁滿眼促征程空舸哀猿斷峽宿昔
曾遊向閒中循省爭得似花街壓笛燭院聞箏歡場事往渾如夢夢醒時說與
誰聽空自咏白頭洛下書生

百字令

徐淮江別後寄調有書記狂遊之語次韻答之

經營買笑甚娉婷十斛明珠論價月下星前花底醉偶逐春風良夜采了靡蕪
種將紅豆雲散清歌罷三生一夢未應輕笑遊冶多少劍客呈鷗琴姬擁鳳
豪舉誰能借自檢空囊償酒債差勝博鼻壺馬知己書來佳人別後孰是忘情
者報章草草却愁洗研重寫

解連環

紀夢

蕉陰隔院有到窗殘月移來一片更添他幾點疎螢正角枕紗幮夜涼人倦薄
被香消留縷縷手縫針線感殷勤就夢直似憐儂寄宿孤館邂逅難償初願

只燈花猶似那回爛熳盼舊約曾指紅榴又點綴蒼苔下階踏徧曉路侵星欲去也晴梢露泫悔當初輕別西灣茨姑葉爛

解蹀躞

接德尹武昌信知春杪已作嶺表之遊

依依漢南柳色舊是懷人處枕樓水拍長隄又春暮流下黃鶻磯頭好憑賴尾紅鱗與傳尺素 眼中路一笑賓鴻社燕勞勞各如許嶺南此去一事却輸與計日荔子初紅從渠飽噉千枚可能分取

芭蕉雨

本意

夢覺微涼生處曉來傳點到分明語起凭去闌杆細數鷓鴣地捲作秋聲梧桐別樹淋漓不怕絲雨只恨風掀翥乍翠羽飄飄細分縷渾忘了舊題詩直待重展蕉心再來覓句

祝英臺近

賦蝶和韜荒兄韻

去翩翩來劫劫秦宮一生狎花落花開好景過如霎料得庭院深深重遊較晚也惆悵成陰綠葉 恁輕怯憑仗滕閣丹青長依畫眉妾爲汝叮嚀雙飛避羅

箋防他撲向春衫買絲繡樣把金粉損將一捻

離別難 寄書

一櫂別忽西風映門秋水芙蓉畫梁雙燕少錦字孤鴻杳樓頭他夜夢忒惺忪
疎雨外啼螿碎殘燈何喜著花紅 花可愛情無賴獨眠遲短箋滿貯相思封
題鈴小印牢記秋螢信莫便道負心期人好在來應再那回端不似當時

河傳 秋雨

薄暮微雨做秋聲紙瓦山牕獨明蘆花夾岸舟乍停曾經瀟瀟和鴈聽 疎點
漸稀檐外竹還款款靜覺涼生屋記明朝約登高隔宵殘燈挑復挑

綺羅香 紅葉用玉田舊韻

叢菊籬荒茱萸泝冷漸老紅顏誰主派別丹黃不上青楓圖譜任賽過二月花
時渾難戀霜條霞縷向枝頭添陣寒鴉自隨流水杳然去 去也去也何處曾
博幾人憐惜幾回題句醉面微酡有客暗嗟遲暮指隔岸賣酒旗邊是昨歲登
高舊路聽穿林風已蕭蕭可堪還夾雨

新鴈過粧樓

賦菊用玉田舊韻

珍做宋版印

留取瓦盆兼客土雅稱茅舍疎籬山人衣白老伴愛結黃衣舊徑三三分好種
新頭一一摘繁枝喜開時花如人澹蟹比魚肥莫怨芳期搖蕩有南山到眼
不負陶詩結塿開屏晚景爭戀斜暉隣翁舊來好事記帽底滿頭曾插歸歸來
好問餐英幽味醉醒誰知

范景仁有菊塿菊屏二詩

江南好

虎丘送朱子容六丈入都癸亥二月

騎鶴吹笙六郎風格梅村句子猶新詞壇酒壘五十八回春好在江山四壁茶
烟畔鬢縷飄銀驚初見壯心千里擬向何人橫塘舟檣處桃鬟柳眼總是迷
津把吳都舊夢付與前因亂後渡江光景笑誰似衛玠傷神垂綸手却遮西日
還指洛陽塵

霜葉飛

再得淮江書知弄珠別落人手余時將有南昌之役旅懷殊耿耿也

不來何意差池恨魚牋橫幅曾寄多緣銀漢澁微波誤秋期容易還憶得別時
情事烟條妨路船猶穢費多時佇立纔小語回身行行莫忘飛翠儂意正爾

相憐半年游跡直是沉吟爲此柳綿依舊化浮萍與飄零何異倩一股菱花秋
水殷勤好寄離人淚拚湔浦西風聽到琵琶別添顛顛

望江南

朝發景德鎮夜抵饒州舟中卽事三首

江行好裊裊挂帆時一練澄波烟鎖住三竿紅日霧消遲此景曉來宜

又

江行好歷歷亂帆時牛背日斜鴉獨立漁灣人去鷺雙窺此景晚來宜

又

江行好寂寂卸帆時羣鴈驚人霜外起小船吹笛月中移此景夜來宜

四字令

阻風鄱陽湖

彭郎小姑康郎大姑更愁五老香爐限狂瀾一湖雲汀樹枯沙汀草枯北風

吹折黃蘆奈蕭蕭鴈呼

綺羅香

南州官舍風雨連朝履安叔索題詞藁

零雨西山斷雲南浦縹緲愁城誰築一卷新詞手寫烏絲十幅喜穠婉漸近梅

溪論清麗寧輸竹屋最苦是花落江天此時相對却慵讀 幢幢孤館殘燭正

嶺鱗蒼翼望極遙目小立東風只唱舊時歌曲藁砧恨委浪萍輕翠袖怨出山

泉濁而今恁一句都無斷腸難再續

金縷曲

彭蠡舟中讀外舅陸先生與聲山姪鴈字唱和詩卷戲填此調

海外羣鴻戲寫遙天前行未斷後行還起排比八分人字樣倒捲霞光作紙忽

一折斜飛取勢變化隨宜成草聖覺陣圖大有縱橫氣象外法畫中意 畫沙

印雪依稀似也強如紛紛鵝鴨挂名帖尾漸遠漸高看漸沒澹入雲藍無際望

不盡揚瀾左蠹有所思兮湘浦外悵魚沈尺素遲難寄好為我傳牋地 法帖評 鍾太傅

書如飛鴻戲海宣和書譜王濛論章草作人字法白香山詩却要斜飛取勢回

王右軍有筆陣圖蘇東坡詩有似飛鴻印雪泥右軍又有鵝羣鴨頭九二帖雲

邁陂塘

吳民則屬題秋浦歸帆圖用李分虎韻時由吳興學博去任

問先生采芹采芡何如歸采蕪去駱駝橋外樵風便好著一枝柔艣挽不住看

無恙歸帆穩挂西南路鏡奩初鑄趁鷺頂飄絲鳧翁刷翠行到水窮處 船頭

轉一片空濛烟雨吟續蘋洲笛譜風流六客今何在又作西湖社主君記取笑
道士磯邊未必無漁父爲儂留語道放鴨人歸桃花春漲來歲或尋汝

點絳脣

紅花埠道中

河北人家踏青也有紅裙女野花誰主多謝風擡舉
巨耐啼鶻苦勸人歸去
歸何處濃烟疎雨遮斷江淮路

臺城路

京師送李分虎南歸兼懷令兄斯年武曾

秋聲獵獵修門外清笳亂砧齊起古堠參差離亭長短獨客竟成歸計桑乾一
騎漸淮菊催黃江楓變紫上了吳船霜風吹淺太湖水
登高恰當故里弟兄
應悵望別夢難理時斯年在長沙武曾在鳳陽西日東塵瘴南雪北此度勸遊凡幾寄聲二
李料隻影單棲未償初志莫忘去重來酒人燕市裏

木蘭花慢

送曹升六舍人佐郡新安

插天青未了三十六翠芙蓉愛官閣鈴柳人家雞犬多在雲中畫圖又呈變幻
便橫看不與側看同烟氣潤添修竹濤聲晴卷長松
匆匆我昨遊蹤美此去

却輸公正千里烽銷一州事簡諸縣年豐風流未妨佐郡問宦情詩況那般濃
擬踐黃山舊約籃輿筇屐相逢

齊天樂 寄祝魏青城憲副七十壽

傍城烟火環城水依然舊家喬木眷列東西巷分南北中有涉園幽築花邊補
屋正結構初成幅巾歸沐七十平頭宦情到此合知足 傳來雙鬢猶綠市朝
回首處都是碁局近社僧來署門客去誰奏鶴南飛曲翠娥持燭待自琢新詞
譜將絲竹散入春風蚤梅香撲撲

醉江月 京城中元

如弓沙月正秋輪乍滿映來粉蝶冰瓊拍殘人影亂散作六街涼蝶賣過荷花
一番夜市又賣青荷葉碧雲萬柄星星點點的 回憶昨歲今宵故人相喚
並放西湖檝水面樓臺天上下鏡裏倒窺紅頰經眼風光轉頭情事鷗夢無多
霎秋絲添鬢孤燈照影愁鐺

一萼紅 積雨有懷竹垞時移寓古藤書屋

翠模糊想藤梢垂格老綠早涼初葉葉分風牀牀避漏近日吟興何如問添了
幾莖白髮又還問撚斷幾莖鬚蠅拂甘瓜蟻浮苦酒作底歡娛 著得等身書
就甚眼中未見還有奇書夢隔前塵客來今雨好是深巷闌居且莫賦田園歸
去笑斯人何可此間無一啖回頭白鷗浩蕩江湖

解佩令

聯句送趙秋谷歸益都

城頭畫鼓馬頭紅樹最無慆酒邊人去朱爨聽徧陽關也未抵者番別苦魏一

程風一程寒雨 斷橋橫浦淺沙深塢翠灣濃鄉山無數慎卸了朝衫換獨速

莎衣醉舞坤勝東華滿鞞塵土爨

浣溪沙

聯句題張遠墨梅

淡墨螺勻尺幅綃坤五三六點冷香苞彝玉龍拖尾燕分梢慎紙帳影浮斜

月底彝畫屏春貼小山坳慎一番花事又江郊坤

春風孌娜

游絲同竹垞賦限蛇字

笑東君何意斷送芳華吹墮粉走歡沙向蜘蛛窠裏巧粘密網縈成金縷展出

縑車細欲無痕長能比髮牽惹遊人眼界花安得天機纖素手織將霧縠與冰
紗 千丈晴空不礙日光斜暎見閃閃輕罨檐牙無風綽被雲遮瞥然搖曳又
過隣家一筆難描來蹤去影寸絲難縮春蚓秋蛇無情有恨任花南水北定誰
憐取飄蕩生涯

太白詩白髮三千丈陸探微
能一筆畫師宜官有游絲書

百字令

為真定梁相國壽

風流謝傅想當時原為蒼生而出人以為通公自介四十年如一日闕補山龍
姿同海鶴帝賚尊良弼太平有象中書仍領樞密 猶記莊號雕橋壽槐重蔭
了錦堂琴瑟哀哀公卿皆後輩秩竿松齡纔七一桁朝衣滿床牙笏慶繞芝蘭
室梅邊開閣奉觴長近佳節

前調

竹垞屬題歸耕圖次卷中原韻

良田二頃只躬耕少箇南陽名士悵望杏花烟雨候鄉夢牽人何已纔着朝衫
便思初服前輩多如此先生歸也買山計正難耳 趁好碌碡村邊桔槔園外
長一支春水還我綠蓑青篛笠重向溪南小市十角吳牛千頭楚橘蚤辦收身

地笑陶元亮昨非始覺今是

太平時

奉和

聖製立春

淑氣初回景色嘉一天霞人間何物報春華有梅花
已覺冰池鱗甲動浪淘沙滿城柳意待風斜萬人家

醉太平

甲申元夕西苑觀燈

賜宴歸同揆愷功院長賦

西山雪融西湖鏡融一天明月清風慶時和歲豐
尊中酒紅懷中橘紅醉歸街鼓擊擊報三霄露濃

邁陂塘

高江村宮詹屬題蔬香圖

展生綃天開圖畫恍然身在瑤圃宮羹禁鬱多嘗徧偏愛蔬香繞筋江畔路擬
挂却衣冠暫領田園趣斑鳩啼午正土輦春酥踈畦小稜去一陣菜花雨 筠
籠淺把送不勞地主自攜鴉觜鉏去十年宰相非難事且與撥灰煨芋煩致語
料五畝池邊未是歸休處聊追白傅向紫莧青菘黃芽綠甲博取醉吟句

百字令

樓敬思送盆菊賦謝

重陽纔過被霜風剪盡一庭秋綠門外白衣招不到臥聽隣槽酒熟落葉聲乾
殘陽影淡夢繞東籬菊此時貽贈感君知我幽獨直為下溟田荒斜川路隔
歸計貧難卜華髮滿頭何處插辜負佳人空谷客土培根紙條沁水聊洗塵埃
目肯來同賞餐英正喜無肉敬思前寄余詩有
何妨食無肉之句

菩薩蠻

錢蔗山給諫贈女兒香一奩賦謝

西塘才子東官令異香幾片遙攜贈喚着女兒名十分憐惜生鷓鴣斑血結

蘭氣熏奩出端合浣清泉忍教凝紫烟以水洗之清香自
發不待火薰也

疎影同魏水村賦寓庭芭蕉

新桐牆角愛碧茸茸下孤莖秀擢一片纔開一片旋抽次第展將旬朔天生百
竅玲瓏樹慣只做小庭葉幄儘放教障日捎雲經多少雨淋露濯漸入淒涼
時候緊西風攪得愁人夢覺幾度裁牋幾遍題詩饒半憐他脆薄自從沒骨圖
成後可還怕霜花剪却時禹尚基作
寫生小幅好護持宛轉柔心莫被玉纖偷剝

金縷曲

寓庭雜詩草花有一種名秋牡丹者戲嘲之

小草當秋季向軒墀孤莖獨上晚花初試解道鼠姑顏色好一種偷他名字倩
翠葉層層扶起碎翦繚綾攢縹蒂與籬根霜菊差相似白菊經霜多變紫色那許並魏家
紫一傾城傾國談何易便同時翻階紅藥纔中作婢此外花曹三百六誰譜入
名園記幸落後少爭春意自揣弗如應自遠尹和邢孰若相迴避入宮妬庶免
爾

前調

盆池種藕有葉無花

爲愛荷香蚤傍春分就隣乞藕埋盆作沼乍見田田浮鏡面數點青錢圓小漸
翠聳亭亭羽葆道是看花吾有分去轉轆轤引水添清曉費心力計多少等
閒長夏多過了到秋來雲沉露冷向誰索笑老子胸無惆悵事聽雨聽風也好
只些子替伊煩惱直恐天寒羅袖薄與芭蕉一例經霜倒剩清氣耐枯藁

醉太平

丙戌元宵

召赴暢春園西廠觀烟火

牆東玉虹橋東燭龍丹樓一朵雲紅是宵中旦中
烟濃霧濃凌空架空西山
一帶朦朧隔千重萬重

長亭怨

咏揆院長家紅鸚鵡同孫松坪學士作

記故國隴雲深處千里依人華堂且住借取猩唇殷鮮染出好毛羽雕籠太苦
把三尺珊瑚架汝芍藥階前早誦得主人佳句芳樹恁朝朝暮暮送盡桃花
如雨枝頭杜宇將血色啼痕相訴更休誇紅紫多知還應念綠衣舊侶憑誰解
銀縑重認丹山歸路

行香子

月下過修陶菴學士湖上寓樓時隨駕至杭

烟水鮮澄烟樹蒼騰上樓梯一二三層曲欄小檻是處堪凭看日初沉雲初斂
月初升有約頻仍許我重登捲疎簾相對壺冰風流學士見也何曾是飲中
仙詩中將社中僧

減蘭

題湖舫丁亥秋作

十三樓壞十二橋邊朱舫在秋已蕭蕭老柳還誇十五腰坐中年少昨日不
來今乍到看我題詞漫道風流似昔時

臨江仙

西湖秋泛

記得樓亭

御舟名

春侍讌滿湖燈燭熏天一番光景換尊前殘荷猶瀉雨疎柳已

無蟬望望西泠橋外去吟過第六橋邊商聲輓上十三絃晚風吹不斷涼透鷺鷥肩

浪淘沙 錢塘觀潮

龕赭露雕尻對東江皋雲垂海立湧金鼇隔岸越山渾不見水比山高萬馬走單槽鱷徙龍逃當初誰賦廣陵濤強弩三千輸筆力直是人豪

洞仙歌

戊子正月望後竹垞表兄送余北行至南湖而別

一天冰雪過收燈時候長水橋南惜分手感登臚相送直到杉青歌驪客檢點當前都有兄言吾老矣後會難期酌我重斟十分酒此意最殷勤臨發踟躕可敵得石尤風否好借取深盃勸還酬也預算中秋爲先生壽

今年八月望後先生八表大慶

釵頭鳳 重渡揚子江

沙邊瀨花邊埭泊船剛與高樓對門開處垂楊樹多無聊賴亂飄烟絮去去

紅闌外青簾內依稀有箇筆人在憑絃柱分明語風波如此勸公毋渡住住

住

探春慢

上巳偕楊晚研湯西崖周桐野沈礪房萬柳堂禊飲

宰相橋坊

橋榜為益都馮相國所題

太平風景那回袂曾到能幾多時再逢此會柳亦隨

人漸老繞隄千萬樹恁春晚偏如春蚤只添對酒新鵝未有嚙枝黃鳥 閱數

城南唸伴剩楊湯周沈舊是同調水長蘆椹烟開萍塊此段年光最好從遺殘

陽墮有初月舒眉遞照醉尉相逢何妨過申犯卯

馮異暮春醉中詩不須愁犯卯且乞醉過申

減蘭

賣花詞

吹花風起二十四番多到耳紫陌紅塵樓上新粧擔上春 朱門誰主舊日園

丁今賣汝入市人看西子纔堪博一錢

孟子注疏西施每入市人願見者先輸錢一文

步蟾宮

碧雲寺僧房見盆桂而作

誰移天上長生樹是八萬四千月戶一枝來自廣寒宮猶似帶九秋風露 開

時也有微香度奈冷蕊羅羅可數小山招隱近來稀且讓與閒僧作主

桂枝香

辛卯十二月武英殿書局告竣停免內直填此自嘲

老郎顏駟問霜雪盈顛久留何事寅入申歸刊韵聊充外史村夫子輩能相笑
笑日日亂書堆裏多年積算不知耗却幾囊官米 漫贏得燈花送喜似蠹魚

蝕了神仙兩字從此投閒免作蠅鑽故紙柯亭劉井迴翔入更休論省官省吏

還應自幸身慵職散稱優閒地較然詩外史刊新韵蠅鑽故紙出傳燈錄南宋謂館職為省官周子充云省官不如省吏蓋嫌

俸薄也見老學菴筆記白香山詩職散優閒地身慵老大時

水龍吟 次章質夫楊花舊韵

是誰細剪兜羅不期而至無端墜天生輕薄眯人望眼惹人閒思繞徑鋪氈當
階滾雪重門難閉向酒旗影裏茶烟榻畔一陣陣因風起 却逐舞衫歌扇亂
紛紛不成行綴欲飛旋止將離又合乍團還碎最怕沾泥微嫌罨網差宜點水
任無情化作浮萍若箇洒楊家淚

桂殿秋 題桂菊圖為友人壽

高士宅列仙家秋光儘入畫圖誇移將月裏長生樹來配霜前不落花生

柳梢青 從廟市買菊花二本白者先開黃者較遲半月戲嘲之

零露漙漙重陽過也菊蕊初團本來同譜根曾同種花擬同看 問伊開則誰

先似兩姓詩人一般白在黃前樂天樂地居易居難唐末有舉子能為詩每通名刺云鄉貢進士黃居難

字樂地欲比白居易字樂天也

賀新涼 壬辰重陽前二日張日容招集城南陶然亭

驀過中秋後響西風萬梢蘆荻萬條楊柳惆悵東籬歸未得帝里又將重九且

趁伴來開笑口檢點尊前人如故只病夫廢了持螯手時余左臂病風用其一且持酒

敝裘縫裂新寒透記年時隨鷹逐兔射飛烹走貧到今番無菊看一醉徑煩

良友算樂事人生難又此會明年知誰健問登高還在城南否吾老矣莽回首

前調 後二日蔣蟻廣席上聽歌次前韻

風雨重陽後乍宵來微雲澹月高梧疎柳病與樂天相伴住消遣十常八九更

何必櫻桃樊口南魏北張餘音在勝挨箏壓笛推琵琶手當此際可無酒 就龔

雙耳聲聲透喜主人閉關投轄肯教賓走門外泥深行不得老子狂呼小友聽

換羽移商還又白日催年雞催曉問玲瓏解唱吾歌否拚醉倒且濡首

好事近

自怡園聞鶯呈揆院長余長假將南歸癸巳四月

杜宇勸人歸苦被鶯聲留住行到紫藤花外有垂楊千樹
無心且與盡情啼
切莫管春去知道雙柑斗酒是明年何處

河傳

甲午春社作

雙燕相見又今朝來覓蓬茅舊巢酒邊一旗烟外招飄飄綠楊紅板橋
昨夜
社公新雨足盃玦卜蠶麥家家熟約比鄰去酬神老人再逢得幾巡

漁家傲

題秋漁圖

蟹舍魚莊問有無全家活計指菰蒲一曲烟波三四里如畫裏殘荷折葦蕭蕭
意
村北村南酒可沽秋來不欠水田租昨夜夜涼貪熟睡呼未起霜花濃壓
船頭尾

西地錦

咏苔

三徑久荒松菊漸平鋪蒼玉筍擊新縛蓑衣新買映上階新綠
髮短何愁曲
局愛雨來如沐不教禽啄不教竹掃又忍教手觸

陸放翁詩新買蓑衣苔樣綠
劉夢得銘苔痕上階綠石髮

見爾雅毛詩采綠章予髮曲局薄言歸
沐唐人詩飢禽啄嫩苔又陰階竹掃苔

洞仙歌

秦駐山頂石上苔長三寸許土人呼為卷柏采歸養以清泉經宿莖葉展舒蒼翠欲滴因種之瓷盆冬來彌茂本草所云長松當即此種也

海山絕頂有羣真來往斑駁落留石壇上任學拳稱柏偃蹇稱松經幾劫三寸

靈苗無恙 小童殊解事隔宿攜歸試汲清泉貯盆盎生意突然回扶起蒼顏

勝九節菖蒲拄杖果若是雲霞洞中仙幸勿與芝草琅玕爭長

點絳脣

乙未寒食鉛山道中遇雨

行過川程籃輿軋軋穿林去亂鴉啼處衣濕梨花雨 兒女青紅不踏城西路
山無數丁丁樵斧知是誰家墓

瑞鶴仙

武穹山下看道院製茶

淺瀨紋如縠把輕篙撐入瀾滄渡九曲花宮繞林麓也不耕瑤草不栽黃竹一

聲枯鞠催隔塢人家布穀又誰知茶竈開時三月石田蚤熟雨足旗槍初展

院院提筐摘將嫩綠濃蒸緩焙看火候纔經宿引微颺吹出白雲深處香徧山

南山北儘清流船名滿載筠籠何妨無穴卽肉字見吳越春秋

沁園春虎丘買水仙戲填一闋

根似鴟頭葉似蒜苗花名水仙問仙翁仙姆幾時留種不移天上乃落人間洛浦凌波漢皋捐珮想像冰肌映玉顏娉婷意勝眼中多少沅芷湘蘭山塘賣汝堪憐只一本纔教值一錢向牆角堆堆籬根顆顆漸違物性欲攬花權老我婆娑爲渠愛惜貯以青磁沃以泉歸來好賽渡江桃葉同上吳船

前調咏老少年德尹以詩索賦

鴨脚輪黃鴉白輪紅將何比妍便粧成暮景未霜先豔洗來朝氣得露尤鮮姘女司爐嬰兒躍冶幻出蓬頭灌頂僊西風裏把丹砂一擲倒換衰年 唉他雙蝶翩翩還認作花穠二月天看疎疎斜倚乍明人眼亭亭小立恰並人肩涼雨簾櫳斷霞籬落好趁蛩聲雁影前秋非晚似者般顏色我見猶憐

前調蠟梅

不是陶家不是林家將金鑄顏恰避了青霜甘隨菊後欺他豔雪愛占梅先融

蠟爲珠染樞成蒂萬蕊千頭顆顆圓瞿曇面抱赤心一點誰門嬋娟
味無味
處天然肯便與蜂脾蜜作緣看野竹如煙聊同倚翠山茶似火恥並爭妍酒泛
新鵝塵消舊麴時有寒香到鼻邊銅餅古把一枝斜插共錢殘年

東風第一枝

盆梅重放喜而有作

細剪樓毛淨揩瓷斗蓓蕾重添繁蕊好風微漏春前暗香偷攬臘尾畫中取意
又豈在依山傍水逗紗窗一點疎燈大有橫斜標致 便開也不捎燕鶯便落
也不粘蝶翅苔痕綠上閒階是伊天然位置陳根客土幾曾占種花隙地伴老
夫炙硯呵冰寫入歲寒吟裏

一剪梅

瓶梅

短短寒梅剪剪茨記手栽時到手攀時花開先報白頭知不取繁枝只揀疎枝
竹几蘆簾相對宜可有霜欺還怕冰欺膽瓶就火與頻移非定州瓷卽汝州

瓷

滿庭芳

半山舟中看桃花作

酒憶添顛辭成醜面風流時世梳粧多虧掩映傍竹倚垂楊不費淺深斟酌紅
無賴一意成狂村西路嫌他蜂蝶抵死鬧斜陽 舊家羅綺伴曹衣吳帶色色
相當問舊年崔護前度劉郎縱使遊蹤重到空悵望巷口門傍煩說與道永和
隄畔別有仙鄉

金縷曲

聞潤木弟墮車傷臂填此寄訊

臥穩東窗旭忽有人橋邊竹外叩門剝啄傳到城南墮車信使我身如受觸嘆
門戶阿奴碌碌黃髮爲期須善寶奈下堂躑步能傷足何況是脫輿輻 新豐
老叟全身福料紛紛三公僕射非吾所欲鄉里兒童成項領奮勿爭馳競逐且
三折把醫肱曲從此歸休真上策便白駒瘦也宜空谷溪畔路想應熟 新豐折
臂翁見

白香山詩折臂三公羊祜事見晉書本
傳隨車僕射王儉事見南史蔡廓傳

梅花引

壬寅小除夜與德尹分賦

一方苔一梢梅殘雪初消花未開好風來好風來臘底春前韶光方暗催 明

朝便是明年節

明日立春

勿論今夕爲何夕且啣盃且啣盃兄弟勸酬白頭知幾回

紅娘子 咏雙頭桃實戲次沈房仲原韵

移自仙源口可愛親栽否 楊誠齋嘗桃詩香味比嘗無兩樣人情畢竟愛親栽 醜面兒郎同根姊妹結成

嘉耦最憐渠從小便相隨到齊眉眉壽 未必家家有且喜年年又肯被鶯含

怕教鸚啄忍同瓜剖好留將心裏兩人人試誰堪耐久 黃山谷詞似合歡桃核真堪人恨心兒裏有兩

箇人

鵲橋仙 庭前香楸一本秋杪有脊令來巢踰旬而雛成適有所感漫填此闕

燕辭秋社鴻歸秋渚爾獨來巢簷際一枝穩穩又將雛頌不了前兄後弟 唐明皇有

脊令頌前兄後弟出梁書夏侯夔傳 田家荆合韓家桐老笑問同居幾世明年此樹若開花便

比並詩人常棣 凡卉木新栽者有鳥來巢明年花實必茂此語聞之老圃

蝶戀花 入冬風雨盆菊離披折供案頭經旬色猶鮮好戲贈以詞

葉亞梢頭看競吐已是經霜又怕經風雨手揀數枝親折取殷勤誰似東籬主

半月寒窗相媚嫵冶冶融融出水鮮於土不為無花偏愛汝有花多在人擡

舉 杜牧之詩融融冶冶黃白樂天詩不是花中偏愛菊此花開後更無花元微之詩大都只在人擡舉

敬業堂詞卷五十